

黃氏續錄卷四

姪炳較梓

遺獻文孝公宗義

遺獻公詩曆庚午三月以前已刻者多不勝錄止錄庚午三月後未刻者

炳按遺獻公詩曆題辭余少學南中一時詩人如粵韓

孟郁上桂閩林茂之古度黃明立居中吳林若撫雲鳳
皆授以作詩之法如何漢魏如何盛唐抑揚聲調之間
規模不似無以御其學力裁其議論便流入爲中晚爲
宋元矣余時頗領崖略妄相倡和稍長經歷變故每視
其前作修辭琢句非無與古人一二相合者然嚼蠟了
無餘味明知久久學之必無進益故於風雅意緒闊略
其間驢背篷底茅店客位酒醒夢餘不容讀書之處間

括韻語以銷永漏以破寂寥則時有會心然後知詩非
學之而致蓋多讀書則詩不期工而自工若學詩以求
其工則必不可得讀經史百家則雖不見一詩而詩在
其中若只從大家之詩章叅句鍊而不通經史百家終
於僻固而狹陋耳夫詩之道甚大一人之性情天下之
治亂皆所藏納古今志士學人之心思願力千變萬化
各有至處不必出於一途今於上下數千年之中而必
欲一之以唐於唐數百年之中而必欲一之以盛唐盛
唐之詩豈其不佳然盛唐之平奇濃澹亦未嘗歸一將
又何所適從耶是故論詩者但當辨其真偽不當拘以
家數若無王孟李杜之學徒借枕籍咀嚼之力以求其
似蓋未有不僞者也一友以所作示余余曰杜詩也友
遜謝不敢當余曰有杜詩不知子之爲詩者安在友茫
然自失此真僞之謂也余不學詩然積數十年之久亦
近千篇乃盡行汰去存其十之一二師友旣盡孰定吾
文但按年而讀之橫身苦趣淋漓紙上不可謂不逼真
耳

弔劉龍洲墓

庚午

短碑三尺龍洲墓起我茫茫千古愁
失志英雄黃葉雨無頭興廢大川流
姓名不必畱殘史長調偏能動列侯
恨乏豚肩并斗酒與君白日見荒丘

劉有沁園春詞岳倦翁戲爲白日見鬼

同周子潔文與也裘殷玉芝兒至虎丘遇蔡九霞張

茂深

衰年無復遊山志何意重來到虎丘只此枯木寒鴉景偏
宜修琴買藥流相親却爲黨人後歷歲已多絳縣儔勝地
不須多感慨真娘有墓且題畱

至六一泉謁先忠端公神位

游人十月西湖少來拜兩朝忠烈祠衰柳數行遮酒店斜
陽一半照殘碑悵逢年少雄詞賦亦使老人與鼓吹共道
近來濃抹好汝曹未及見前時

先覺祠祀講學諸賢昔在關廟之右今移附六一泉
廣化菴後而杭人視爲一邑香火講章學究雜沓其
間閱之不勝感歎

曾憶當年先覺祠主持原是出先師

劉念臺先生

朱虛死後春

蘭雜屈子魂來山鬼隨不道蓋棺無定論應教祝版有微
詞後生不識前朝事巾幗因蒙杜拾遺

致姜定菴乞硯

束髮友天下惔惔念沈陸

沈眉生陸文虎

晚得交定菴春風被枯

木定菴天下才賤子煙霞束因緣劉子門共轉荀孟軸劉
子有遺書走蠹飽殘幅公從牛篋中發之光燄矚開豁天
地閉妥貼孩兒哭因師以及友倡和諧絲竹不嫌余瑣碎
經理到饘粥念余開九表蒲柳豈再綠散髮臥沙牀已營
張超谷文章雪後蕉聲名英落菊所餘惟凍肝亦恐朽爛
速木銀洗腸胃雲母蒸肌肉虞初有是言未必真可續定

黃氏續錄 卷四
菴齋頭硯仁涵而義浴明眼照古今光不借鸚鵡惠此下
巫陽將來作含玉冶鳥焚舊巢山靈出新沐佳話留平生
非以媚幽獨

玉峰朱雪鴻移居

三十年來湖海客至今方得辦茅廬一車家具憐東野四
壁新詩過子虛未考周堂先娶婦急開甕牖便觀書買山
到老無成計似此風光亦有餘

元旦洗硯 以下辛未

且將故事盡消停老嬾何能傍世情一事旁人猶笑我鑿
開雪水洗寒星

得吳公及 名裔之霞 州先生子 書言先生間關把晤於鮫宮鯤

壑之中於先君子言論之隙得一望見顏色高山景
行至今耿耿

荒邨接得紙零星四十三年夢又呈 已丑至今 四十二年 戰鼓夫人

充健卒朝儀宗伯領諸生 皆當日事 寒琴墮水聲猶在 其地為 宋高宗

墮琴處漁人得之以獻高宗流 涕久之是時諸公共賦此題 孤堞經圍血尚頰三板洋

中三十里至今耿耿此時情 余行時先生乘 三板船來別

十里洋船上下潮一杯相對話漂搖馬蘭萬樹遮荒島飢
鶚千羣泊亂礁公已千秋傳信史我開九表冷詩瓢宮人

何事談天寶清淚能無濕絳綃 亂礁洋文 山有詩

坐久起行腰不能伸

朝莫丹鉛腰不伸起行竟與磬相鄰西窗剪燭同心少屋

角銷寒日色貧起廢無文推拄杖包彈溺職及紗巾年來
久已成天放俗駕應須恕老人

夢亡友陸文虎

四十六年甬上土依然騎馬客京華霜顙猶撒公侯席好
事長過骨董家深院箏聲畱落月小窗枯管昵燈花可憐
一夜風泉響還道湖堂共試茶

與文虎讀書北湖萬駙馬園

苦寒

陰寐殺陽節海鶴滿秧田大水犯窮秋狂蛟吐餓涎冬春
連旬雪四面斷行纏如何陰慘氣凝結此坤乾老人翻舊
曆上下數十年大水似戊辰歸途滯幽燕大雪似辛巳鉢
分雁寺餽大寒似甲午冰濤阻甬船雖然云相似實則加

于前梅燦緘春信頑雲屯敗瓊凍硯無好文濁油無明煙
聞昔有鄒子吹律破冰天六丁鑿陽和繞郭花蟬聯

辛未元夕懷舊

脂沉粉散既多年邨市金花亦罷燃何自風霜消未盡每
逢元夕一潸然

零星火樹只三邨萬子貞長來作酒人今日一官江北去

尊中雖滿怕霑脣

簫鼓喧闐燈影邊瓦盆濁酒費周旋陸翁汝九十稱多壽

寒食棠梨已六年

題唐在湘湖海樓

在杭城管米山

湖海兼收此一家元龍百尺臥豪華硯磨蘇小墳邊雨簾

卷林逋陌上花海闊天空無芥蒂晨鐘暮鼓變雲霞近來
世論多拘束蚊睫中間欲放衙

送內姪孫葉仲一至濟南

妻黨飄流只幾人書香畱此汝孤身紅牙未冷伶人口外舅

六桐先生填詞多行世青錦難收黠鼠脣外舅集名青錦集兩世棺和喬別

土仲一祖母及父公且俱卒在德州一堂木主寄東鄰外舅抑抑堂已典出吾今送

子吳山下積雪方消數尺痕

余數年前集諸老人作千歲會鄰近川陳賡卿潘某

邵陶叔皆百歲應炯先章星聚等皆九十以上獨余

八十為最少今次第別去感而賦之

千歲分為十一人古來耆會豈能倫風光大略多田野泥

飲何曾辨主賓甲子數來經再歷通家相續及重孫方將

繪壁畱佳話豈料凋零只數春

王不菴以易註見示

同是山中聽雨人不菴至鹿田見峭壁彷彿有字遂令相

逢那得不相親春寒難許牡丹放雨後且看瀑布新已試

一身憂患易誰言千古是非真還畱未盡燈餘話約到西

湖共采蓴

靳熊封使君署中牡丹

病目曾經一月餘寒風吹雨倍淒其忽驚冷豔侵眸子誰

賦彈丸詠物詩穀雨已過花信杳僧房尋去馬蹄遲使君

衙內爭先發似向人間管別離新安牡丹各處未放余將返棹而署中獨開

至黃山憶沈眉生眉生寓黃山焦邨累書見約
黃山有約負當年垂老經過倍黯然豈是精魂真冥漠還
疑牛背笛聲邊

浴湯泉

寒山二月路梅花導我前行一對鴉更不復畱塵土夢晚
年黃海浴硃沙

古來浴罷盛題名難向狐狸口內爭獨有師山鄭子美紀
年至正尚分明

斗初從弟六十

僧舍蕭然寄此身更無幻夢入紅塵壁頭猶有春牛曆省
得今年是六旬

吾今猶自理牙籤老去工夫未合尖爭得如君無一事一
溪流水浸秋蟾

中秋次韻

江邨連日雨月色不相酬秋水迷桃葉青楓冷莫愁語深
書蹟淡詩瘦病容畱玉女峰頭夢真同竹葉舟

答宋牧仲次韻

以下
壬申

河洛英靈自不湮宋詩侯筆各嶙峋今蒙牧仲投詩句昔
與朝宗號黨人海島耕夫長寂莫青雲夫子幸宗親莫言
朝野真懸絕交道文章不厭頻

訪斗初於山菴庭中罌粟盛開

香風處處滿籬笆蹙蹙來看罌粟花杜宇莫啼春去了須

知畱得在山家

社鼓逢逢不住催朝朝逐隊似嬰孩筇枝老去真無賴又
爲山房罌粟來

枕上作

支牀憐病骨封戶一丸泥屋角穿斜月風聲帶遠雞塵心
煩七證夢境涉千溪正是橙黃日孤負好詩題

武林沈長人寄牡丹五叢二大紅二錦邊一玉樓春

令人種於先公祠內

十二月朔

西風颯颯吠鳴雁一束名花遠渡江新廟香煙甦凍草小
池明月掛寒窗花魂欲返需來歲名品先籤在舊椿一病
經年皆苦趣從今逸事更雙雙

十二月十二日雪

朔雪漂搖入絳紗半雜邨煙半雜花打門尚有催租吏沾
樹已無搏食鴉一歲光陰消病榻兩兒盼望未歸家老夫
只合蒙頭臥不似當初詩興奢

瓦溝已沒雪猶來祥瑞何因及草萊束手難營度歲米孤
筇誰探過橋梅占爻窮鬼方持世拭目參軍始上臺欲計
民生無凍餒當年此志已灰墮

二月九日

癸酉

花深柳淺少知音無處春光缺照臨唯有病夫前不到小
窗枯坐只呻吟

寄萬貞一五百字

己未別萬子共醉湖水滑秋月千門靜朗然照鬚眉被衣
坐屋角談鋒如鬪麒麟一部十七史遷固及宋祁但取係存
亡不貴脩文辭先公太事記神廟逮光熹余有三史鈔實
錄及家稗傾筐授萬子庶爲底本資史臣職袞貶權與宰
相夷布衣入史館明初則有之子今踵盛事莫負此良時
吾還弄明月相見不可期子帆霑落葉黃花管別離長安
諸作手得子如墮篋鬼炊出舊聞衍口掠新知不肯媚巨
子何況隨織兒雪窗煤火黑松棚日影移窮年但矻矻不
嫌共惻惻崇禎缺實錄長編乃創爲 聖朝志一統朝議
亦共推十載老京華何暇顧其私同官金躍冶子獨絮霑
泥寓書來函丈爲言長相思不得稽古力時方苦朝飢聊

爾一下縣庶幾營親飴余時答子書進退何志疑胡不恥
折腰而乃徇朶頤簿書與文章兩者子孰宜單車領黑綬
一城如邨籬草屋數十間頑吏十有奇荒田生稗花野鳥
升丹墀過江打花鼓空舍無婦嫠余又寓子書吾道無成
虧但自鳴琴外慎勿牛刀施赤鯉納壑甕怪松出石危子
恃真鋒鏑不肯稍委蛇捕蝗焚烈火築堤捍淮漸雖非中
流楫亦是囊底錐世人皆欲殺盛名不可尸不能脫鉗鈇
豈望分雄雌子書來旦旦怪我去遲遲仍恐豬肝累非嫌
豚浪吹吾衰逢疾病去死僅毫釐痛疑奇鬼搏災犯血光
疵懷白在羅網占爻只涕洟念我黃竹浦是君鴻爪泥燈
夕挨游女野店醉禪師雪深撥芋火溪暖撒游絲此樂不

可再逝者固如斯天道苟非昧晚篷庶可維

姚志底本出余所著考核頗詳而人物一門為後來
妄增是非顛倒余言之則任怨聊作數絕使讀者可
追尋也

只道人名上志書千年不復有勾除誰知蔓草無靈性來
歲春風不到渠

一列名臣眾口生雪消鴻爪尚分明拾遺兩隻麻鞋價凝
碧池頭不肯輕

誰言百行孝為先李定緣何列簡編從此慈烏含血死霜
寒不敢過城邊

一變鄉賢盡要人已嗟再變及封君更堪共指新牌位此
是當年伍伯羣

市井干戈作戲場揚揚意氣耀新妝總教鼠血霑荒草難
與汪童相較量

志乘從無載未亡蓋棺論定自尋常如何無故先求死亦
是人間大不祥

無名人只合無名強欲加名菑害生孝子不如狐貉口免
教謹按及生平

彈文俱有謹按

分門人物易推尋紅女田夫亦古今舉子租穩無位置幸
畱一項是儒林

次徽音告終詞

炳按徽音姓聞人氏遺獻公繼女

香案前頭玉女身謫來雖是苦風塵不應便向吹笙路只

黃氏續錄 卷四
恐人間減却春

宿業牽纏了此身風波滾滾幾紅塵今朝拍手西歸去
空度人間五十春

七月下旬寄此余次韻示之徽音
讀畢一歎而卒癸酉八月朔也

傷徽音

初夏珊珊問病來臨行猶是費徘徊早知兩月歸黃土悔
不相畱叢桂開

數里江干來往頻豈知一旦入秋旻如今縱使風光好忍
復拈詩索和人

野草瓊花一例栽無人知道是奇才縱教玉骨都銷盡怨
鳥聲中魂又來

萬公擇見過

甲戌正月
二十二日

煙雲過眼昔交遊病榻蕭蕭對藥甌惟有西臯子萬子江
天風雪放孤舟

去年扶病話纏絲歷盡寒溫尚未痊江上潮平還執手念
君此去又經年

寄仲簡姪

竹橋喬木自蒼然君去雲間近百年荒墓狐來煙漠漠空
梁燕去麥芊芊太公五世皆還葬茂叔他鄉亦種蓮不負
三江九壩路譜中兩字得南泉

附炳奉

黎洲叔父韻

坂頭遺址尚依然肯構難追似昔年往事前謨談歷落
兔葵燕麥感葱芊朝宗有派終歸海香瓣雖分自本蓮

黃山續錄 卷四
葉落空墳多失掃蒸嘗應不隔重泉

炳本浙東餘姚竹橋人也吾祖友山

公始居雲間迄今未百年也去歲庚午夏渡江謁黎洲叔父問吾曾祖南泉公之由叔父爲展閱家譜乃知系竹橋坂頭之支亦源木本得究其由不勝欣喜今又蒙以詩見寄敬奉原韻非敢言和亦聊誌炳不忘所自出云爾

喜仲簡姪再至

君渡濤江已七年重來風景却依然榴花纔見邨中豔燕子猶銜雨後田千里來尋九世祖三江須換五番船此心真不同流俗不道雲間別有天

蕭然病榻已三春喜得君來暫轉頓昔日交游俱鬼錄近來名士復何人焚香聽雨談新事荒草看山憶舊窰惆悵鳳皇山下路至今遙想爲霑巾

山有來鳳堂陳仲醇先生讀書室余舊游處也

附炳追和 黎洲叔父韻

生死相離倏八年重看墨蹟淚潸然哲人已萎悲松柏麟趾雙標守墓田著述自成千古帙往還頻憶昔來船吾門世世多人望已喪斯文敢怨天和風如坐一堂春三會皤皤共解顰麟鳳失時甘遜跡詩書能繼得嗣人山埋忠孝畱名碣土掩文光慘宿窰特拜墓前悲永訣難收老淚濕羅巾

哭相國徐立齋先生

昔者徐孺子曾受江夏辟有生薄宦情終不辭泉石及聞江夏葬欲往臨窰窅陸行豈無車水行豈無鷁貧無舟車資身爲磨鏡客名士四方至玄纁充道側羊豕首刺天貝玉各盈尺何人陳薄祭壺酒雞一隻哭畢不畱行不將姓

名白古人重知己非關一束帛余處東海鄙破巢亂魂魄
讀書七十年瑣瑣殘膏摘既非用世才躬耕乃其職驅雞
上桑顛飯牛友牧笛何意徐夫子求才及隱僻 天章照
茅檐耄倪皆驚赫老病不就道亦不蒙鐫責寄我詩三章
謬爲天下惜虞翻曾有言茫茫問禹跡知己有一人此恨
已可釋僕本聊爾人受之常兢兢夫子尋歸田得侍函丈
席擴我以見聞杜我之疵隙堯舜其君民時不去胷臆陰
陽間失位玩彼憂患易一部明室史功已過半百俟後之
君子將恐亂阡陌病中未了事憂容如可撫僕歸未一年
夫子之病革僕亦抱奇病呻吟以永夕去死僅毫釐鬼門
何偏側及聞會葬期不殊江夏昔空懷磨鏡心松楸無淚
漬嗟乎徐孺子千載不相及

中秋感懷

坐到三更露欲稀年年此日共題詩廣陵不料從今絕總
有清光更照誰
風景淒其不勝情江邊鴻雁亦哀鳴應憐此夜中秋月照
在荒阡分外明

聞萬公擇訃

中秋不見月當頭病榻聞君赴玉樓老淚一眶從別盡豈
餘今日復重流

三江口轉是南雷一向君從此處來昨日聞君丹旆過孤

帆竟向蜀山開

三江口進港是余所居不
進港便爲蜀山往寧波

示百家

築墓經今已八年夢魂落此亦欣然莫教輸與烏蟻笑一把枯骸不自專

年來賴汝苦支撐雞骨支牀得暫寧若使松風翻惡浪萬

端瓦裂喪生平

百家恭記 先遺獻自營幽室於化安山內設石牀不用棺槨特作此詩并葬問一

篇使百家不敢不遵也

續錄詩綜

黃宗炎

炳記晦木叔父遺獻公同母弟行二號立谿先生其詩最多不下陸務觀六十年來萬首詩家

藏不出茲存齋云爾

中秋無月次家兄韻二首

薄雲閣雨水生明秋序平分節暗更浙瀝催詩搖燭燼飄
颯入座亂砧鳴清輝怕照鬢髮影愁緒還添斷續聲百歲
陰晴殊草草何緣此際特關情

短檠吐燄照人明濕砌寒蛩次第更凭几高吟惟戶掩垂

簾力作自機鳴天邊老桂瞻無色牆側衰桐聽有聲不管

珠沉滄海恨

中秋無月蚌不孕珠

無煩元夜預留情

歲時占候中秋無月則上元無

燈

經筵銅鶴次韻和文與也

佇足收翎喚不前重遭灰劫脫烽煙習聞訓詁陳言惡誰肯興亡達御筵

聞道銅僊湧淚來九臯又見下燕臺玉堂金馬皆稽首持重頑軀一網開

天上僊禽出御河無心難記舊情多愛他羽翮真清健不臥荒荆畔橐駝

紅梅應文與也之請

奇芳絕色漏春光金谷胭脂玉曆香詩體盡除寒瘦病閨情獨麗雪霜場天孫錦繡被高士姑射丰姿改艷姓羞澁孤山荒老樹枯禪只合對茅堂

瘦骨從來種素心繁華點染更知音盧窗應有紅雲護何閣將無絳雪臨玉貌微醺情愈美瓊英重綴韻尤深廣平未要輕裁賦一見還教鐵石沉

與友山講六書彼有執贄受業之語因作八十韻示之

六書古小學諸藝厠其一古文改篆籀大槩尚茂密每于事形借反嫌太簡率乃從聲意注駢贅重疊出咄哉斯高敬師心非纂述西秦俗習專同文義盡黜獨使小篆行倉史散慶霽徵調濫往還獄訟繁法律吏苦點畫拘創隸省刀筆將此文字原盪然不可黠漢祖昧考文蕭相俗吏隲僅爾循名位古道未遑悉總括歷代遺因革歸專一揚雄

識奇字立論已失實書契貴日用惟常始親暱奇者十縮
 三常者十踰七所識亦幾何望望成恭桎未央集諸儒辯
 難參得失獨留許叔重巍然裝緗帙說文解字中雅俗半
 相匹所收不盈萬尚覺多喧啣特以有師承訓詁實萬鎰
 艱澁味雋永深奧體樸質南唐產二徐變易許穀粹破碎
 七襄錦文木施鬆漆遺書千年後遭茲豎儒叱野王作玉
 篇自謂收羅畢增許二十倍爛熳無統帥愈覺挂漏多鉤
 吻雜崖蜜不思簡御眾徒誇窮蟻蝨夾溲列大端構厦甫
 礎礧永嘉氣怒號求故每侵軼六書故也楊氏博不精采搜頗
 洋溢六書統與溯原也伯琦尋徑竇猶彼草初茁六書正譌說理遺名
 物六書精蘊莊渠趨安佚邯鄲步宋儒止可云清滴明齋廣師

門莊渠門人也頗操截穎銓每喜事收竄反古成錮疾吾

里趙古則絕世登岷嶰聲音文字通其所著書也神駿負超逸

考證千卷富濟民類粳秫惜乎甫脫稿竟使毀宣室取入中秘

家無副本鄉人生也晚莫窺甲乙小學荒不講汲古乏綆繙六

書別不詳窮經殊足啞吾當學易時奇耦叩凶吉得遇文

字祖子母鮮礙室苗裔大小篆講求會通術古則嗣瓣香

應非過淮橘饑寒久纏綿憂患復倉卒餬口走四方焉得

握管日豫遊訪故人同聲叶琴瑟棲遲古刹下晨霜瞻鳶

鳩友公飄然來杖履咸靜謐負連離紕紙寒芒先凜凜探

手得詩篇咀嚼領芳苾若暘遇涼飈如虺得蓂朮不啞色

相偏樂與翰墨尼鍾王真俗媚旭素樹棘蒺追玩彝鼎銘

黃氏續錄 卷四
鳥鷖窺罅栗獨體生合體縱橫陳舞佾聽我矢口談我亦
忘沐櫛公歎絕學存不繼寧勿恤把茆具區濱由來遠悲
虜先生卻屠酤伊蒲聊落泌起草終洗硯去來三鴻臚書
生固百千冠蓋頗秩秩未見好事者援手施匡弼翻從甌
世人靈鼉奏蟋蟀吾聞西方教聲音破塵沕文字滯跡象
障蔽增意必友公乃愛此氣求孚瓊蛭重來閱藏地胡牀
陷當膝萬物互短長難可齊斧鑕知雨慚螳蚓知天媿鳩
鵲苟欲知力兼齒角總堪嫉向苦世網窄觸處惟震慄戲
公以嚼飯遙夜剔燼墜完我百年願差勝守圭箠証盟指
誰氏仲冬歲壬戌

壽陸汝和八十二首

瓜芋山根灌碧泉藍谿氏族古留傳雞棲豕棚生涯棄牛
鬼蛇神夢境連一步難行原少地八旬已到豈非天須知
贏得爲薑桂莫怨蒼蒼賦授偏

同事頭顱無一存君朝子曰莫詩云還留孔孟家常語不
與儀秦世態羣疎緩性情應耄耋癡迷傳述自殷勤自茲
歲歲耆英會社酒邨歌樂舊聞

壬戌除夕三首

四十年前少壯身霜髯雪鬢老關津目昏欲與詩書遠足
笨還將道路親爛熳鶯花偏吝我淒涼鶻血苦懷人心期
古道尤難信自拂東西撲面塵

身如歸燕寄林柯風露長思傍屋過老去變爲猿鶴少後

來別具肺腸多榮枯遞換惟孤另朋友更番盡詆訶將託
空門愁獨立歲華荏苒自咿哦

朝歌暮舞一年如夏餒冬寒歲亦除細雨疎窗香繚繞短
檠濁酒話迂徐自相勞苦情還切再計謀能恨有餘準擬
明年結茅屋老夫從此得安居

癸亥元旦

吾臆八齡前癸亥先公此日尚家居高堂臘酒頻爲壽穉
子春燈嬾讀書曾幾何時人已老毫無足取我如初上元
甲子明年到或可蕪田望把耰

陳簡齋和予雪中訪閑園詩見寄復申兩韻再疊奉

畬二首

同庚喜得共眉龐老學驚予不敢雙秋月春風攢筆舊朝
雲暮雨到書窗征衫每欲休喬木命駕恆輕涉大江時日
多因叩門費兩巫相見自心降

月照花枝起捲簾施嬌何意笑無鹽枯腸我沃風霜飽老
手君和典籍淹魏晉名家非可獨宋唐詩法不妨兼瓣香
昔在虞山麓今見閑園取次拈

武林客舍贈萬充宗三首

君有西山我剡中垂離秋月棄春風竹籬頽敗牽牛碧松
徑摧殘謝豹紅各染腥塵人已老頻瞻宰木願都空道道
無限傷心事兩地情懷約畧同

交遊追惜舊同羣腸斷相看莫可云月暎飛花

布名也凝帳

雪煙生沉水

香名也

透窗雲豈期老去風流盡還賸年來脚

債勤面目雖在徒自愧何方救敗策奇勲

謂子與梅菴出必同寓寢必同

帳雖旅次絕炊亦掃地焚香漁弋山水自悔菴之逝子孤掌隻翼客店船艙并不能如曩時之韻致矣七十衰翁又與嗣君輩客窗相向言及于此聲淚交并

不求聞達老窮經衰世真堪作典型炙日熏嵐時易邁客
牀旅夢魘難醒鷓鴣何計巢桑梓鼃黽無心戀梗萍或可
耦耕參得失莫言白首踐前銘

萬悔菴扇頭小像歌

扇爲李聃孫畫予與公擇並列于內距悔菴捐館二十
有七載聃孫之亡亦十餘年矣予則土木形骸絕無生
趣公擇且頽然成一老翁展閱斯圖猶是吾三人客窗

情景宛如昨日已邈若山河公擇充宗請作歌識之撫
今追昔惡涕淚之無從也

不見先生廿八載夢寐髣髴滄光彩彈評金石證古昔留
連往事互感慨鑄鑿肺腸忽驚哭枕上淚痕今猶在變爲
猿鶴亦非人何況盡效蟲沙改祖功宗德悉臭腐兢兢指斧
芾爲傀儡朝茵誰問大椿年吠堯智過觸邪薦老成輩輩
霜葉刪鉤吻烏喙正蓓蕾芳草靈芝蘊百毒仙經上品慎
莫採日去日與禮樂遠一蟹更不如一蟹先生守道含憤
鬱掉頭情深蟬蛻解後起愈出事愈奇頑懦縮頸徒驚駭
緘口苦作河魚疾閉目不及觀場矮今見蠹粉出丰標喜
登秘閣陳鼎鼐有覩置吾在旁列瓦礫雜入鮫珠琲公擇

君家第五子向也隨行久相待客途旅次事依然三人損
一孰主宰聃孫老人亦老友文筆長能擅繪采殘膏臍墨
自足寶裝潢成軸揭模楷臆昔西溪同看梅指點墓田息
倦怠先生既逝徒齋志吾與公擇仍凍餒清泉白石苟不
毀圖中時或聞拘靄

哭萬充宗五首

世祿沾恩三百年四忠三節事依然

充宗家傳自昔開國有四忠臣三節婦之

盛難將帖括鄉閭習

不作時文絕意進取

忘却行吟筆墨傳

謂海菴續堂詩

也高座授經辭絳帳

不入豪家西席也

卑棲束脯就青瑣

僅以蒙師餽口

始終一德承先志吾歎斯人實後賢

家松已邈見尋英各顯風華擅世名君志何緣偏我逝爾

才絕意與人爭褰裳難涉蓬萊淺閉目誰嫌混沌盲耿耿

胷中存涇渭未嘗孟浪逐時行

訓詁全令經學諱窮年膏晷辨根芽雍雍俎豆登三代鑿

鑿原流正百家揖讓始知時俗改情文非屬古人加得君

儀禮何難讀鄭氏功臣亦可嘉

謂所著學禮質疑

先儒魯史苦加功殘缺終難就貫通補綴編爛消永日

注春

秋有年多至百卷

提携灰燼逐飄風

囊諸行笈不戒于火隻字無遺

重來高閣按

三傳

一二年來又別起草

又吝微辭闡二公

易簣時恨定哀未完


絕筆何曾及

西狩鬼神或是忌全工

謂注春秋

客燈旅舍共催肝歲月淒迷汚羽翰多少升沉饒變態往

來蹊徑更蹒跚擬同秉燭增遊興無奈鳴鐘報漏殘老淚



原件短缺

8-16

頻頻傾宿草辰星何處耐長看

續錄黃山行脚草

黃正誼

炳按正誼字直方遺獻公次子也

炳按直方弟於己巳歲游黃山其自題行脚草曰家大人嘗與沈畊岩先生訂黃山之遊未幾鐘石變聲以故瓢笠無主三十年來敬亭之青山宿草竹浦之黃髮倚閭不敢芥渡三江安望杖周十岳迨期願之母既已登仙而矍鑠之翁亦難歷險雖新安明府一如北海孔公恐刻曲老人類登西華韓子故僅瞻雲不能問道余小子廿年想慕一日登臨櫺笠芒鞋得沾嶽雨枕流漱石復伴山霞踞高峰臨絕壑竟如白魚蠹簡食奇字於腹中吟短韻詠長歌敢同黃鳥度枝遺好音於世上當升

黃氏續錄 卷四
危路險常致心膽俱飛及賞異尋幽頗覺夢魂亦樂然
而桃峰以北石砭以南得領其概若夫洋湖以前松谷
以後未探其奇足倦神疲興會之高何益巒迷岫鎖仙
人之窟尚留勞山靈遲待殷殷乃足迹終成草草誰實
阻我乃爲猿鶴所嗤事不由人若犯神明所妒追悔前
非俟畢向平之願詣圖再舉以續靈運之遊

富春夜泊

風雨門家堰港斷舟不通泥濘過土壩躑躅賴扶筇覓舟
小似葉洪濤千萬重俯首曲蓬底書生寄鵝籠假寐不可
得起坐窺空濛近樹洗更綠稍遠輕烟濛最遠沒雲霧隱
約有無中看雨亦尋常此景洵奇逢夜泊富春江薄飲對
江楓軟飽成一睡村醅亦有功旅夢忽驚覺急雨打孤蓬
去年黃山遊病婦促歸踪山妻今已死遊懷亦甚雄何故
此夜雨點滴在心胸帶得劔南詩敲火摩雙瞳

舟中雜詠

硬板低篷白浪堆隔年滋味又重開倦侵手散從書墮夢
轉身眠候飯催攪亂旅懷灘百疊破除客悶酒三杯舟中
誰謂間無敵時與佳山應接來

去年悔返黃山屐此日重浮五月艤纜度山頭人隱約舟
逢灘上衆喧譁清流魚亂雲紋石小罐風烹雪浪茶不必
芒鞋沾岳雨江程景物已堪誇

綠樹澄江緩溯洄宛然人向鏡中來陰晴不定重梅雨清

黃山紀勝 卷四
濁頻更野店醅孤火細分千葉照羣雞攪碎亂帆堆夜中
起坐看山好左手支腰右托腮

湯泉

湯泉有丹砂硫黃二種泉脉係硫黃者則有硫黃氣丹砂者無之

靈液產山骨涌沸沙石底烹茶方蟹眼其熱依稀似我從
新安來筍輿行百里赤日曝背肩喘汗透四體裸身恣漱
濯芬芳襲肌理古木千章抱峭壁百尋峙云下有丹砂山
泉故如此習俗所傳聞其說亦近是水寒性太陰熱憑陽
氣使坤陰聳成山靈乃陽氣耳黃山爲靈物湯泉出其趾
靈氣鼓橐籥地脉消陰翳其理實昭然絕無甚奇詭必曰
賴丹砂拘儒信故紙

慈光寺

天都峰下慈光寺老木千章四山峙千里來作黃山遊探
奇歷險從茲始崔巍宮殿摩雲頂曲折僧房抱山趾吾來
信宿閣黎閣暢啜雲芽烹石髓朝暾倒映硃砂峰峰變硃
砂赤無比更深明月探山頭月色天光兩如洗亂松攪月
如粉碎光射玻璃千萬矢山僧白髮憶前朝特爲茲寺誇
緣起普門法力動宸聽寺名御製非聊爾殷勤引我升寶
殿冶金成佛真奇傀四佛四面累七層二十八佛浮屠似
當年慈聖慕蓮臺欲鎮名山特賜此復出他物畀我觀陳
置案頭種累累金杖金盃真燦爛色似明霞透表裏祖衣
大幅繡千佛實勞宮內織纖指命名國師何物稱特賜袈
裟其色紫危然佛齒真奇絕或者遺是防風氏
牙重五錢其大如拳

諸物出自石匱藏光芒四射炫人視屈指百載錮烟霞有
如宮禁方離甌對此吾爲一喟然弔古長歌聲變徵有明
御宇三百年原廟衣冠等敝屣茲山獨能守手澤什襲流
傳不敢毀琪球寶王陳寢廟古人豈是貴華美宗器一如
祖業重藏之明其能守耳前代銅駝已荆棘賜物不因革
命徙吁嗟乎大海盡揚塵天都獨留涓滴水但願後人珍
此猶如護日睛慈光萬劫芬牙齒

老人峰

硃砂峰頂老人峰餐霞衣翠天都側我登翠律一審觀獨
立黝然太古色或云老人容成輩丹成未遂攀髯隊至今
遺恨千萬年偃僂日向天都拜我謂史筆乃欺汝飛昇無
異齊諧語當日軒皇至治成萬幾餘暇尋仙侶容成廣成
與翱翔修真相共餐烟雨老人之生在無始孤標抗塵屹
然峙終古浩劫立雲端視彼軒皇御世俄頃耳若謂老人
恨不升天去幸勿多爲老人慮

度天都峰宿文殊院

黃山三十六高峰惟有天都稱第一吾欲倚杖登其巔千
仞接天愁壁立崎嶇絕巘臨無地小心坡畔神魂悸到此
竟若步虛空試身不測吾甚悔須臾得底文殊院南海峰
巒無遺態屈指登高二十里仰視天都未肩背硃砂雲門
諸奇峰自下仰觀摩蒼穹到此反居百丈底臨崖俯視若
深硤統覽全峰俯仰視兩目爲眩心忡忡江南地勢新安

峻天都高出新安數千仞遂覺此山無可並突兀鴻濛與
天近惟有蓮花聳翠峯幾與天都兩相匹此外南北千萬
峰卑則兒孫高弟姪蓮華曾有上峻嶒天都屈指古今數
人登志載登峰頂者古
今止二十四人惜余無此濟勝膽仰觀太息辭未
能夜來臥伴兩緇流肌粟衾寒冷似秋谷風欲撼禪床去
不知身在萬峰頭更深夢覺披衣視萬樹停雲皓魄死忽
然雲去月登峰山化爲烟天化水此景最淡難措詞到者
方知嘆絕奇院內有密雲到
者方知四字扁夜半月渡蓮峰去古松森森
淒心脾拂曉山僧拍予腿爲言起看雲鋪海出門摩按兩
昏瞳撫掌大叫神爲駭嵐霧氤氳萬壑屯白成濤浪望無
垠山尖出沒水瀾瀾居民大地盡沉淪俄頃日光摩蕩雲
上天足底萬岫依舊陳獨有天都蓮花二峰不受蔽轟然
雲外伴蒼旻種種奇觀出意外北山遲我望嶙峋扶筇共
向蓮峰下回視天都不忍捨

石筍砭

西過石鼓峰忽到石筍砭峭峰爭亂插譎怪洵無雙或利
淬劒刃或高封馬鬃或肖老僧立覆石儼旛幢或似兩對
奕柯爛猶粘椿或山巒起伏滾滾奔秋江衆仙凌波來不
煩芥與艘或怒成奔馬或舞宛征檣餘若龍孫列殘籜包
春腔各各自孤拔挺立不肯降下視甚黝黑絕頂現天窓
石必簪奇松曲房開曉妝山靜自今古對吾忽飛揚總是
雜糅極其狀盡周章怪至目難審理非意可量不役五丁

黃氏續錄 卷四
鑿不煩鬼工忙其狀本無始萬載垂光鉷造物本小兒留
此嬉戲場

黃山怪松歌

吾嘗習見黃山松石壇瓦盆舞虬龍及登黃山得縱觀始
信昔時所見真庸庸迎送二松天門路大根倚石附虛空
倒挂亂根垂數十丈餘後略染沙踪不知當日先結大根
于空際徐引支根有所麗抑豈支根零星附石罅然後彙
成一本如結鬢至於一送與一迎榦古柯靈乃其次以上
迎送
松一線天邊蒼龍臥根沿石壁斗許大蜿蜒屈曲數丈餘
榦長僅約三尺可枝柯偃仰欲下垂恰有大石倚山荷以
上
臥龍始信峰坼松接引得渡危梁賴附佐要識勝地產異
松

物造化呈巧豈容作以上接
引松擾龍松對始信峰怒生而起

石爲破飛揚四布凌虛空下垂一榦實遠播傀怪奇譎不
可言迎風一吼萬松和羣植林林遜不如稱曰帝松不爲

過以上擾
龍松把門二松僅偉壯蒲團松上遠一望目未及觀

不敢妄措詞其餘穿崖渡壑怪怪奇奇不能多名狀吁嗟
乎黃山之松何獨古萬山骨立無寸土千載野馬積微塵
松實偶落生機吐鬚短榦低骨格奇滋養稀微反媚嫵譬
如人窮詩始工大智奇才出艱阻今人睹松奇乃快不知
愈奇松愈苦君不見平岡大阜多凡材皆從地厚土多享
福來

舟中悼亡

黃氏續金 卷四
山妻死于正月愁懷鹿鹿未得寄哀數語舟中無事追
憶淒然

人生聚散等浮雲三十三年頃刻分我獨爲傾一斛淚償
君井臼萬辛勤

有女離閨遠渡淮竹竿淇水痛縈懷可憐母死踰陰厭猶
問平安寄壽鞋

三載孱軀伴藥鐺果然短燄隱孤檠憐渠兩女同剝股辜
負雙尖肉作羹

奉事 高堂拋半路自傷此罪不堪言彌留猶倩人傳語
生死依依感 舅恩

炳按行脚詩共若干首今依不失弟之選僅存其十之
三并附徐果亭蘄雁堂兩先生之序于後

黃山天下名山也然卽歛之人遊是山者亦寡矣凡人
生豫章者不必登匡廬居浙東者不必尋天台雁蕩卽
南人之赴京師數過泰安亦未必探秦碑日觀之奇也
黃子平生雅好遊而慕黃山也久一日由浙東往裹糧
入山八百里之間巖谷幽奇多所遊歷所至之處輒有
詩以紀之集爲一編將以傳之好事者古之遊黃山且
以詩著莫如李供奉供奉一詩得雙白鷗人皆雅羨之
今觀黃子之詩舉黃山之中杏花紅水之靈源硃砂白
雲之仙境恍于詩中見之其所獲豈止白鷗已哉黃子
之尊人黎洲先生閉戶著書自顧高年不能遠遊黃子

歸獻是詩以爲臥遊吾知先生曠觀遐覽必有怡情而忘倦者是黃子不啻以黃山八百之景物致之几上以娛親也吾故樂而敘之非徒以誇世之慕黃山而不至者也若夫詩之抒寫曾臆灑宕而清真則家學有自不待予言也崑山徐秉義書

余令歙比四歲而直方黃先生以文字役見過喜奉教便議及黃山遊因迫於返棹未果越歲而直方又至始決計遊黃山余礙於赴期會不得爲東道主第爲之飭杖屐戒輿從望紫蓮花頂相送以往而獨自逐風塵於昇州路上是直方於歙爲再至於黃山則初遊也故以自題其所爲詩若曰黃山深矣大矣非一覽可盡繼此

而再而三正復味之愈旨耳詎知直方之戴榭笠躡青鞋策筇竹於光明頂畔劃然長嘯之際正余冒溽暑趨煩囂偃倮曲折而不遑寧處之時乎及驅車邁返直方已竟遊歸翩然下巖灘去惟此冰雪文一卷在因歎守此土者五稔曾未得一遂斯願竟以輸之直方也雖然吾有以得吾遊矣試觀直方之詩其森秀縹緲一黃山之峰層嶂疊也其清蒼高古一黃山之石怪松奇也其空湧蒸蔚浩渺無垠一黃山之雲海盪潏動心駭目也斑駁則藥爐丹鼎淒清則鶴唳猿吟當秋爽餘暇披襟讀之又何在不與軒轅氏君臣周旋進退少文一臥曷足以云是直方之遊爲初而余於此則較熟矣因謬贅

黃氏續錄 卷四
數言紙尾寓書以歸之若曰恐山靈之竊笑而姑爲是
言以解嘲夫豈知直方之詩者遼陽弟靳治荆頓首篋

續錄南浦艸

黃宗裔

字道傳遺獻公族弟事詳
文錄中不失弟所撰墓誌

坐西音堂同翁祖石先生晦木仲兄談方外之樂用
萬履安先生寄懷韻

誰是懷歸地西音舊草堂天官涓白赤人事混青蒼鋌險
真成鹿羸籓盡屬羊何如秉鐵笛吹徹變聲商

書王公傳後

京來貔虎勢縱橫星落軍前野雉鳴羣吠何知妍勝醜獨
清第見死賢生精英自是關天象怨惡何能恰世情總爲
斯時丁否塞摧殘斷欲首芳蘅

晚霽

黃氏續錄 卷四
雨餘初霽晚霞紅田水和天一色同潮響波縈兩岸滿雲
凝山立數峰重沾泥敝屐多厭滑帶濕儒冠正鬪風矯首
今朝新月好怯來山寺晚鳴鐘

祝 伯母姚太夫人七旬大旦

一元消長圖數云物閉於戌開於寅閉時漫漫成昏夜開
時熙熙見晴春堯舜中天日當午過此爲消不足數只今
距戌三萬奇已至崩頽無處所憶昔戊辰龍正飛攬搶滅
沒煥紫薇長不踰時消復至二十年來晝掩扉萬十有二
元一換三十十二艱布算一歲原有啓閉殊一日何嘗無
昏旦往復相尋天運然秦亡漢代不少延淵自能淳嶽能
峙南風未必絕虞絃日使再中幻術耳灰衝緹素理如是
瀕洞塵埃取次收東陵侯家投爪起 伯母少值泰階平

綸褒誥寵出神京絺繡輝煌宜象服衝牙雜珮鳴葱珩貂
璫煬竈兼蔽日巢傾卵破無完室正氣長留天地間魑魅
潛消狐鼠慄天子當陽首表忠贈蔭交加爵秩崇海內登
堂羣拜母丈夫五子盡優龍義御弛鞭頓失轡淪胥高下
無定位東西竄伏老容顏蘭蕙摧殘傷寤寐茲逢七旬初
度時野簌山肴佐酒卮日至聲希味方淡何羨鮮肥盛鼓
吹七日爲期復不遠連袂朋來出大蹇司隸威儀氣象新
繁祉介福慰衰晚後先冠袖鬱嵯峨分茅胙土指山河羅
雀門庭闐輪轂期願壽母發笑歌笑歌消長如繞電奚殊
三見桑田變鳥爪長伸侍母旁崑崙常過西王宴

哭伯母姚太夫人

三十年來侍母前爲余孤苦倍相憐諸兄列後常添席猶
子行中孰比肩坐語移時忘日永關情無事不心牽恩勤
真與天罔極慟絕靈輻駕墓田

露禱天聞天亦憐忠魂昭雪已多年飄搖戶牖纏綿補殘
斷縹緲次第傳甘苦備嘗飴堇徧盛衰閱盡谷陵遷惟餘
視予常如子喪妣哀深淚湧泉

丙寅假館武林喜主一過訪兼得體兒書寄自越城
病餘瘦骨苦難支臯比橫經愧昔師剝啄外聞門乍啓容
顏遙接杖忘持家書却自并州至客館聊寬故里思滿載
梅花歸路好憑君分寄兩三枝

主一婦買綠萼
紅梅數十株

清明後五日同沈長人郊行

春草池塘一徑斜犬吠籬落野人家愁城聊向閒行破看
盡桃花又菜花

聞哭行

七月初三日仲兄晦木先生誕日也其女孫哭諸夫家
而哀予今年館于剡湖舉適介其側聞之不覺涕泣橫
集

大旱土焦金石流行人居人盡於邑中田不異野燒灘農
夫四望呼天泣老生跼蹐守空齋忽有哀聲耳畔入問彼
茲聲胡過哀云是阿翁之誕日再問阿翁是何人卽我仲
兄非料及憶昔事兄始壬午四十五年晦明歷撫予教子

如弱弟此恩夢寐亦感泣何期去歲館錢塘倏傳凶問登
仙級一别于今逾一年黃土冢頭荒草集生平易注最精
微五十餘年此矻矻漢代九師讓專家宋室諸儒亦却立
識字未許子雲多新詩萬首務觀匹遺集岌岌恐遺亡尚
望後賢能繼述感時濺淚女孫悲獨坐聽之中亦濕

讀續蘭亭會詩

元至正庚子劉仁本治師我姚于龍泉左麓得神禹秘
圖之處彷彿蘭亭景狀爰作雩詠亭全甌越之士四十
二人續修禊事取晉人蘭亭會詩不足者各拈其次
補之為續蘭亭會詩今學宮西廡石刻猶存而序址不
可復識矣為之三嘆

晉代蘭亭會千年續舊遊圖呈禹穴秘泉達舜江流雅集

連甌越新詩補謝劉空思雩詠蹟三嘆沒荒丘

劉仁本補參軍劉密

都事謝理補侍郎謝瑰

聞主一歸自京師欲見未能悵然賦此

鶯花正煖送河梁兩度春秋望夕陽籍籍聲名驚上苑遙
遙魂夢赴高堂君歸新有趨庭樂我遠終無縮地方九日
南軒重載酒揀將沉醉話滄桑

懷伯兄 黎洲夫子

何堪孤露涕交頤父事惟兄且作師粗識之無指授力小
知焉有會通期纖毫莫報如天德方寸長懸愛日思惘惘
出門深別恨夢魂猶喜不相離

至日遲主一不至

姑蘇傳口語閩粵欲兼行不信無家報終期轉客旌時驚
周一歲月忽已三更帆影乘潮上樓頭注眼睛
灰冷初回煖人遊久去鄉思家愁易集展墓意難忘應發
閩中駕豈修海外裝日歸逢歲暮引領望加長

秋望示正體

我思駱兩山

名用卿
邑人

初作相埋士既而自翻然正人詎事

此屏絕攻藝文拾取青與紫試錄當家書

兩山
句

高堂良燕

喜不遠人之情疇能異于是揚名孝道終寧僅博科第倘
邀一命榮亦足慰耄齒景純青囊經惑世誣民始曾楊廖
賴儔迭興相續似玉尺天機行騰貴洛陽紙卦氣配天星

幕講尤弔詭市兒襲陳言逢人說地理居室猶忍慚出門

全無恥力學爾有年望爾甲至癸偶閱篋中藏見有三彈

子地理
書名

舉一已堪羞餘焉問臧否譬附贅懸疣如駢拇枝

指誠知愛厥身割截非殘毀以斯多治生直不知務耳稊
稗卽有收奚如五穀美今秋選場開八旬初度邇努力角
時賢祈天綏福履躬聽鹿鳴歌遄歸觥稱兕飾巾待盡時
庶緩須臾死先哲留芳踪摩挲視後起

病中作此留囑主一

予藏此意久矣長恐一旦填溝壑而口不能言素所畜
積無由得達今將死而哀鳴不僅維音之嘒嘒已也古
人云死生亦大矣豈不痛哉王右軍記蘭亭猶不能不

以之興懷獨陶靖節爲文自祭蕭然長往以今視昔誠
不啻天壤懸隔惟仁人勿以戀戀見嗤爲我心惻而加
憐焉額手泉臺匪虛語耳

素心共晨夕師門積歲年思黎洲夫子覆育直如天厭世
上仙去涕淚不曾乾余今辭逆旅形骸將棄捐一坏箭山
麓行欲踞其顛南面王之樂嘗讀漆園篇雖云醒世語敢
謂非真詮陰陽本合德二氣任推遷生事畢歸土脫縛解
帝縣中有物未化稽古慕象賢庸流儕惡俗動足遭屯遭
飄飄多風雨不易守敗椽流行遇水旱兼難耕石田安時
而處順薪盡火猶傳量柴復數米爨冷終無烟憂傷常戚
戚瑣尾疇生憐莫保羹飯碗私心遺憾牽惟君稱大孝推
愛知同先烏鳥何可愛因屋愛非偏引翼出幽谷拯救及
重淵失道迷旋返痼疾使遘痊銜恩徧八口瞑目在九泉
冥頑欣有託舍君奚屬焉試以質夫子夫子必曰然爲我
永俎豆竭力張空拳于汝詎慮薄付屬端能全從茲安窀
窆問道化安阡詩禮趨庭外仍陪弟子員

續錄失餘橐

黃竹農家

字不失原名百學字主一太學名百家自
從辛未年出都棄不應試今名黃竹農家

余少亦頗事吟詠自順治己亥至康熙丙寅雜體詩約
至于首丁卯歲以脩明史事攜至長安與萬季野同居
徐相國之邸相國季野見而盛贊之遂為人所竊去余
亦厭作詩者之擾擾甚感其有掩拙之功從此遂廢哦
事然積習既久單聯斷句亦往往有暗忖自惜之時辛
巳長夏偶於貯亂紙破篋箬中見有昔所搏棄零雜殘
橐數首因命兒輩錄出存之名失餘橐

月華

以下壬子

世傳華月必於望少有殘缺俱無當又必方當秋氣清片

雲不興天昭曠爾時碧落吐祥雲引月精華能下降我聞
未敢信爲然願見有年終未償八月二十夜初寒不寐渾
如水澆臙撥灰無火楫柚銷壤鼠笥中偷破續白間窓名夢
夢疑曙色開門乃知殘月上東南猶有雨餘雲勢若敗卒
經重創仆灘填渭無行伍佇立須臾如滌蕩止賸輕雲數
笏存西南苒苒魚鱗狀我時獨步繞庭中一編秋水時吟
唱椽欄迎風笑啞啞遠墟墓門號掘壙頗意茲雲來自南
必爲嬋娟成閔障那知薄月月逾明側埋轉覺光輝旺私
心訝甚急叩頭彩暈重重方蕩漾豈是金輪降碧霄彩蜺
護蹕纏車輛無乃三閻逝纖阿獨駕雄虹自飄颺意者天
孫文錦成陳與常娥鬪伎倆不則曜影胡陸離炫晃不可
以名像余時口張不能嚙欲告三老失背向吾母借問朝
爲爾云是月華猶疑誑王母聞之衣顛倒八旬幽室何須
杖爾時吾父亦開門赤脚未遑穿屐緌王母隔牆呼四媪
四叔祖母叔鼾聲正值方酣暢急呼屢屢始能應應云睫膠猶未
放須搖雲散又復連如此數四相摩盪王母爲此眼模糊
遲實兩兒亦酸項吾母因言前見時腹中方懷吾二兄屈
指於今卅五年今朝二次中庭望此時吾父未曾看六十
餘年今乃創移時天淨銀浦橫縱有蟾光無依傍炊燈瀹
茗各就枕喔喔鄰雞方引吭

十月二十六日三十初度雜懷十首

風霾黯黶日無神滿野飢鴉掘麥隣竹馬回看疑昨日桑

黃氏續錄 卷四
孤忽憶是今辰保安老母頻祈佛稱壽山妻爲割鵝不覺
驚心還自顧百憂盡向一朝臻

吾家家計已飄零大厦難將束草撈紅藥受書慚葉適清
泉灌圃媿雲卿飢寒無策娛三老帖括何時仗一經底事
行年已至此癡頑猶是若無情

冶弓事業豈尋常未許凡庸聊爾當碧血丹青已柱下白
頭斗岳又靈光未能拔俗千尋杪難續傳家一縷香思至
豈惟愁十日飛輪爭可禦螳螂

二十年時作六箴

余二十時曾作酒欺忿言
怠恕六箴以箴己之六病

十年轉眼又

浮沈脚根仍是飄萍梗面孔難無媿影衾靜夜千思嗟自
負通身百證嘆加深從今須要從頭悔莫遣來時又悔今

談龍無補腹雷鳴跛鼈還能千里行一派姚江源未遠辦
香戢嶺篆猶青若能立脚通宵汗已便當頭皎日明自歎
越年已長矣何時得抱衛生經

更無別箇傳家法腹有詩書理自通白髮已垂千莖雪青
燈尚照五更風牢疎難悔前亡殺晨失還期後補雄易操

番然三十始吾師昔日有張充

充年二十九左手臂鷹右
手牽犬日恣游獵其父思

曼見日一身兩役無乃勞乎充跪對曰兒聞三十而立
兒年未三十也至明年尋師博學翻然易操鬱爲名儒

世間事事堪遮飾惟有文章不可瞞點錯無茅終是鐵承
蜩有道却須丸空疎豈異炊無米孤陋真同蟻轉盤問學
師傳如缺一終難片語落毫端

文中龍虎稱同甫不出家庭我有師欲向千秋希作者豈

隨一餅鬩羣兒拋將萬舞鈞天樂擬却皇華下里詞自顧
自憐還自笑糠粃多少味希奇

還有關心難委處多般絕學付伊誰表竿數尺屠龍技算
子千顆帝者師寧易傳名成國士真難做得稱家兒思來

事事筋堪折何日輸心得竟之 庚戌歲曾於中西三曆
學其緒端而未卒業

未甘菌蠢守蓬窗藤竹侈心徧岳江齷齪却防山鬼笑品
題那得古人降若非梧案曾千卷未許芒鞋著一雙從此

青燈經廿載也須五十始開艤

贈諸子宜 以下癸丑

癸丑歲余授經於北鄉第四門子宜欲從余學時藝其
父母強以力稽書此慰之

喃喃帖括日吟哦添我胃中榛塞多過舍爾同根矩泣 原

事耕山我羨伯鸞歌 梁伯鸞耕於灞
陵作五噫等歌趁晴曬麥防生蝶連

夜縑絲免出蛾穩意農桑母落事年來失業莫書過

階二叔父葉贊皇諸九思至謝繼公家看菊因乞一

本以伴荒齋寂寥

曾憶山中種菊時幾頭名本亦稱奇分從古寺清明雨吟

作寒窗九日題槁葉頻澆瓠勺水浥根還易瓦筒泥而今

見獵心猶在敢向良朋乞一枝

謝繼公及又陶各餉菊二本率筆賦此

縮頭枯坐連宵雨汨汨愁來不自禁何幸良朋深見愛自

攜好種特相尋經霜不減嬋娟貌邀月還偕蟋蟀吟從此

荒齋免寂莫相看常若對知音

非貪爲是騷人餐愛爾孤情與世違不向春花爭爛熳偏
於黃葉共芳菲豪鷹颺翻摩天腹敗牖張頤吼紙衣相得
莫嫌相見晚峻嶒同是傲霜姿

擔書行

百韻
甲寅

吾家離亂來播徙無定宅產物盡蕩然家徒四壁立惟有
數輛書抱持常勿失忠端創其始吾父踵其跡蕭條荒浦
中續紛滿一室藉此足傳家百城不以易末世不悅學止
規進取策一經本注外便已茲生畢有如禪蝨眼豈覩翔
鵬翼吾家各經箋少者亦什百譬彼正鵠張各窮審固力
不必盡有窮有時或中的集取衆人長聖旨於焉得史學

久不講耳傳二十一已視爲河漢渺茫不可卽豈知朝廷
上諱忌多失實亦且視聽遠模糊兼遺佚窮簷冷屋中往
往有遺筆據其親見聞序致偏周悉後死欲考信可能無
采輯所以國史外稗野居其七時藝溺人心詩文道已熄
哆頤而談者惟彼幕游客會掇活套編祇以供吞織誰復
溯淵源知有諸家集吾家貯宋文東萊多未覲吾家貯元
文天爵何曾識明文三百年徧訪無遺粒淘金沙礫中文
案砵焉出諸子旣紛紜各見一端執類選亦煩瑣分門如
縷析數學數十家算表當推測地理考山川亦復志沿革
芴及釋與道下至諸技術每凡一種內又備諸家釋種種
名甚繁不勝殫其述 吾父抱經綸中途鍛其翮勁鶻摩

天志屏當在典籍寒藉以當裘飢藉以當食有時憂樂來亦以代歌泣用是愈旁搜無微不取拾或遇闖闖間典衣何足惜或鈔各藏家手指生繭粟凡物聚所好下窪衆流積所蓄遂繁夥無不徧精歷於以資身心有如麝食柏暑寒蕭屑中顛髮忘其白無柰天方蹶年當沐猴值列宿見櫬槍寰宇多壘壁玄黃正鬪爭尚未分優劣賊盜乘其時因之以蟻合牧奴報睚眦蒼盧號官爵負嶠山谷中成羣出剽掠白晝縛行人昏夜排門闖攜兒抱女輩倉皇路填壓有時或棄捐呱呱聲慘絕縣官多奇智治亂須重法租稅與軍需百事一并發逆民不敢問順民恣刑撻鬻子不得償又爲驅魚獺邨落盡空然老幼俱顛越旣若山寇臨

尤畏官兵括一經賊所過盡呼爲巢穴呻吟酸楚中重加以淫殺討賊則恆羸殘民甚雄傑吾家驛路旁來往當喉咽兼之近山趾尤爲剝膚切上有三老人閒行常蹙蹙下有諸幼兒遊戲須提挈自當及早行庶免臨時怛顧此諸典墳我父心神浹喪亂三十年流離經百折邀天幸至今那可輕拋撇苟不亟爲謀必且成鎧甲憶昔丙戌歲余時髮未繼遷徙至中邨幾爲山兵奪丁未還於家戊子遷雙瀑擔頭及船底每爲蕘兒竊數年又數徙山堂火忽烈遑遽出燄中灰燼差毫髮自後徙老柳又徙藍溪閣乙巳置續鈔始得暫安歇零星狼藉餘真同漏網脫於今將十年止有蠹鼠齧意謂自茲後長可几前設豈知亂未終又須

經跋涉擔簦起出門茫茫昧去轍南北及東西究竟何方
吉人生當憂患書亦頻遭劫何時淨塵氛矮樓傍山脅置
此當四隅中設幽人榻明窗香一爐石髓頻頻啜永作太
平民丹鉛恣披閱所恃諸聖賢在天靈凜冽精神所宅憑
豈肯使泯滅於今薄海內書種久已絕歷數藏書家細裘
俱散逸若欲推斯文定當屈指屈鬼神自護呵必不虞兵
燹

見董吳仲所評余制義盡然傷感

令人真有難知處董子胡然竟歿亡風格標持雄似劔襟
懷磊落淨如霜清談往往和諧諛勉勵諄諄出肺腸墨迹
如新人宿草愴然不自覺神傷

隨大人至車廡謁楊慈湖先生墓次韻 乙卯

漫道如卷土一坏巍峨堪比華嵩來東西浙水方千里端
數先生破暗魁

靈光何處不明明況是先生魄所停山神時護虬龍榦 墓上

古松一株偃莫認庭前柏樹青 世多議先生為禪學

昂藏盡有百年身得似先生有幾人可怪狂狸却步者紛

紛也占此山春 附璫張袁之墓俱在此山

上巳前一日同朱人遠陳敬之飲博山家因登占鼇
塢復向葛世雄索飲幾至酩酊即席次壁間張止和

韻 丁巳授經海昌

郭外香花似火然醉餘同躋占鼇顛攜曾漁婦乘潮出負

未鹽童削土煎望裏家山時半見

海昌檜正對海南旅中夏蓋四明諸山

邨柳正三眠潑愁酒客真狂甚較量諸君更莫前

攤書說劍總徒然行見霜花點鬢顛樗為不材長得散膏

因得照却招煎憑君蹴起荒雞舞只我擎來白墮眠斯計

於今真得力莫輕浪說與人前

次查德尹見懷韻

寒煙靈雨雁來天旅思糾紛水荇牽客館獨看蝸篆引家

鄉頻報羽書傳

聞山寇復發

祇求安土生平足枉受知音出處

憐焉得石田盈半頃長能漱石枕流眠

漫勞凝望與悲歌歷歷曾看青史過不怕山窮無路轉祇

愁學淺柰身何憑將雨沼春蛙鬧終讓秋空俊鵲摩若但

一枰爭黑白縱然勝著也無多

范國雯見前詩亦依韻見贈復依韻答之

憶吾家山有洞天短垣闕處引蘿牽書翻土牖松風至茶

沸沙鐺竹火傳尺蠖泥蟠甘久屈丈夫木強自難憐而今

出處都無著笑殺梅花照水眠

他鄉聊為蹋蹄歌出郭尋花次第過我能疎狂驚世俗君

詩峭直逼陰何且擎老酒低昂飲莫把新條款段摩透得

醯雞眼孔出甕中天外有天多

春日同朱人遠陳子棨萬貞一飲張無逸德隅書屋

時牡丹方盛內一種小桃紅尤豔麗可愛因各約以

小桃紅三字作聯貞一詩先成遂次其韻

黃氏續金 卷四
名花初破試祥風連日知音賞玩同雨意先徵比紡白雞竹
詩籌共限小桃紅他鄉不負三春色傲骨慵嗟五鬼窮狂
語瀾翻耳熱後戍樓殘月墜彤弓

瑣瑣蒲萄

丁巳

朱岷左先生窓前有瑣瑣葡萄一株特餉一甌以索品
題率筆呈此

蒲桃出大宛傳來昉自漢武帝遣貳師費兵餘十萬得種
植離宮彌望敷柔蔓秋風馬乳垂釀酒供御讌茲以瑣瑣
稱名同類殊判老幹大於斗細梗亦蠹健不比架棚中緣
施等葛覃皤皤止溪翁一編時把玩開袞已八旬憤樂忘
憂饑殘暑動涼颺階葵色初變屋壁忽生香侵晨鳥聲亂

掀窗一仰顧芳實檐脣綻呼童命采擷升木如猱緣挂筐
掄先熟次第畱明日餉我一瓷甌盈貯封楮幔殷勤命品
題折簡親濡翰捧讀開緘視芳馨滿鼻觀初疑舍利子還
道青晶飯手嘗連數顆甘露牙根濺自慙跛鼈才胡能一
詞贊况逢大雅宗更難長楊獻強抽凍芋盟應爲掀額粲
九日同二叔父朱止溪先生及諸同人登鎮海塢兼
泛止溪次止溪先生韻

年來何事屬吾徒惟此風光不用沾滿野林容鋪錦繡遙
天雁字寫之無深欣步履猶輕屐還羨園林好據梧若肯
一椽容灑埽任他人世笑夫夫

十月廿六初度

先母見夢

海昌署中

一室如蝸寢復興幾忘歲月似枯僧緣來昨夢依親膝憶起今晨是我生寂寂青氈羈冷署蕭蕭白柳繞寒藤縱然兩地幽明判母子精靈隔未曾

十日風霾勢愈增推牆徹瓦聽鉤騰空山落葉堆應滿游子枯藜埽未能殘燭搖搖流血淚寒柳橐橐擊悲膺一坏無計安親魄內熱晨昏欲飲冰

雲巖草堂同陳葵獻鄭春薦唐殿宣坐月次 大人

韻 己未

南飛雁影過雙雙黃杏塵風半未降霜氣熏衣清沁骨月光鋪地白連江遲眠來往猜松鼠狂語嚼吟應遠矸偶向此間徵往事嗚然閒及竹籬扃 此地為韓侂胄故居

同萬充宗允誠鄭春薦等至靈隱訪三目次 大人

韻

霜花如戟曉森森約伴凌寒入鷺岑秦望看山年一紀冷泉話舊屐重尋道場為想師門壞 諱輝事 法語頻誇帝子臨

一月前親王至此 捧杖追隨窮短日連牀更喜伴同心

隨 大人暨陳葵獻謁張司馬墓次 大人韻

尋途曲向寺旁义拂首桑枝顛徑斜翁仲有靈悲夜月 司馬

墓逼近邵王墓下 故人無語拜寒花 大人與司馬世交 兩尖義土從黃鳥

謂羅楊二子 百道殘暉射晚鴉轟轟屏山增壯色萬年于岳共

光華

至藍溪李典臣家看桂次 大人韻

陪侍尋花石徑前南山隔岸見悠然三分野色輕霖後一點秋聲古渡邊竹鼠臨枝窺客果提壺沒水避漁船纔從滿街看千樹

桂花西湖滿家街第一余方自彼甫歸

歸喜孤芳鼻觀連

隨家大人至孫郎埠菴次韻

亂雲鋪出一山秋劫後重來續舊遊石甃存基人已盡鐵鑪名埠姓猶留孤巖立瀉雙溪水萬籟聲藏數比丘兩字鰲峰經取授茲菴千載足風流

僧求菴名大取名鰲峰

親王平定東南凱旋歌

庚申歲余校史書於藩司署中時和碩康親王平定浙

閩振旅還京制臺李鄴園先生委作凱旋詩歌分題二十有四共作襍體諸樂府詩歌二百一十首今存

八首

七言古

皇清天子神聖姿登三咸五民熙熙仁風於變數十載端拱穆清斗柄持法寬地大奸易伏蠢茲小醜乃張鴟溟黔閩粵勢相倚不啻聚蟻與突豨跳梁嘯聚徧海宇天將以此試神奇出師命將欽廟算揀選頗牧在本支東南擾擾亦沸羹 帝曰欽哉汝任之豈惟國事實家事如朕親行其弗辭臨行温温授 天語好生之德爾所知古來神武稱不殺殲厥渠魁餘可悲王拜稽首下北關 關 金 鼓 揚 旌 麾 貔 貅 百 萬 震 山 岳 丹 忠 一 氣 貫 虹 霓 自 浙 入 閩 無 畱 陣 捷 書 却 笑 羽 書 遲 父 老 子 弟 歌 來 暮 不 將 一 騎 入 茅 茨 反 側 聲 援 遙 相 應 翦 其 枝 葉 心 腹 披 仙 霞 雄 關 何 萃 律 破 竹 之 勢 不 踰 時 龍 驤 將 軍 駕 樓 船 虎 牙 都 護 策 烏 騅 七 縱

七擒等閒耳八戰八克固如斯當輪螳臂膏霜刃突梯鼠
 首繫朱絲尉陀嶺表徒自妄子良井底良足嗤馬騰士飽
 歡何極飛輓不蹙司農眉亂略既平謀係聚撫綏寧輯早
 夜思遂使窮檐消野哭更教荒土徧春犁倒瀉滄溟波萬
 頃盡洗妖氛與瘡痍從此海波永不揚扶餘將壇煙雲飛
 夜郎始識漢天子春秋匪懈拜彤墀 王曰此皆將士力
 試問神謀定屬誰 九重燕笑嘉乃勳 王亦戀闕心神
 馳橐弓韞矢凱而入放牛散馬施仁慈昔也輕裘與緩帶
 今也破斧還題詩圖書數篋衣裝箔黃金紅粉莫教隨底
 定東甌與百粵岷峨黔蜀魄已褫羊城作貢通南極象郡
 休兵仰帝畿王猷允塞真難量左有稷契右臯夔乃開明
 堂朝羣后辟雍泮水飛鸞旂乃選循良任司牧蠲租發粟
 樂且嬉乃得猛士守四方金甌無缺奠丕基蓬茅下士賤
 且拙披褐行吟畏亂離賦詩却敵成何用請纓無術徒蚩
 蚩快觀旋乾轉坤手聊為饒歌鼓吹詞上之清廟被絃管
 豐功偉烈千秋垂

五言排

尺檄下東方雄圖出廟堂陳師諏吉日推轂重天潢潮湧
 軍聲壯雲連陣色揚閩南聽籥舞浙右赴龍驤莖秣騰飛
 廐投醪飽宿糧焚香迎帳殿灑道獻壺漿壘布嚴星斗營
 開集鳳凰晨趨蘭水驛夜渡赤城梁不改鄜中肆相安陌
 上桑禹謨誅後至姬曆憫如傷在宥 皇恩大綏來祖德

長伏波仍偃革橫海漸歸航竹箭輸吳會檠絲貢越疆氣
先吞溟渤威已懾湖湘一統車書盛千屯將士良采薇非
黷武聯萼有餘芳班固征西賦相如喻蜀章山川胥效順
草木更生光因作鏡吹詞凱旋奏 帝聞

七律

凌晨介駟擁鳴珂帶月樓船渡浙河田里望衡熙衽席風
雲列陣壯矛戈杖鳩野老占星久竹馬村童迎駕多自是
仁人施九伐不須權術募三科

一自稜氛暗八閩東南半壁蕩征塵揮戈指日還天地聚
米爲山謀鬼神銅柱有靈仍似舊金甌無缺倍常新試看
名上麒麟閣元老功勛百戰身

千羣駟鐵夾驂駢太乙占書大白旗紫電清霜排禁旅櫛
風沐雨握戎機長驅鵝陣無堅壘轉戰羊城有合圍飛走
技窮方效順南人自此服天威

推轂東征出帝京分兵南下壓滄溟動搖山岳麾三駟號
令風雷扈百靈重譯梯杭歸禹貢七旬干羽格虞廷武功
載載敷文德彝鼎而今好勒銘

百戰全收底定功生安共戴頌聲隆秋霜令肅民情洽挾
纊恩深士氣雄漢室諸劉誰可並唐家仙李若堪同雲臺
麟閣尋常事地厚天高感未窮

吉日三軍振旅廻連朝瑞靄徹明開豐隆鼓奏關前氣曩
屬碑揚鄴下才不惜千金高駿價遂令九逸畫龍媒勛名

至此成三立聲教欣看遍九垓

壽唐殿宣三十初度 壬戌

擔簦三載結心盟賴爾相看若弟兄
校史攢頭薇署火賞文拍掌佛庵觥
冬歸望我春光早宵辨喧鄰署色明
推食解衣知我鮑偶因初度寫茲情

茅靡交情莫可論年來數子特重敦
力期古處他山益敢向時趨惡浪奔
立志堅方成學業趁時早好做經綸
我年四十君三十努力天池躍大鯤

甲子三月至廬陵游青原山谷韻 以下甲子

曉日浴新晴杲杲無纖埃久思青原
游腸中日盤回步出城南門問渡江
之隈山青江無波風景心顏開嗟峨
古豫

章 在江濱大五十劫餘漏散材行行窮回岡春去鵲聲哀

劈窠信國書 青原山紅亭傍山崖進謁傳心堂 祀陽明念菴東廓南

野雙江 攝衣敬歷階拜餘三太息仰視無完椽再叩鄒公

祠 南阜先生亦為荒蕪埋餘皆化瓦礫尋覓失基垓 吉屬九縣俱有會館

講學 夙企復古名 當時號使我費驚猜巍巍淨居寺枯荆重

發芟 七祖手植以澄泓卓錫泉 深廣不逾二尺 曹溪乳一杯亂時

兵刃接曾此橫尸骸 寺曾紫營五笑 山童古木盡殿刹不

受摧名蹟獲徧觀一一遠公陪 叶妙 最後歷翠屏泉石聲

相逖彷彿冷泉亭不比彼囂哇在昔藥老人 即方密之先生也叶公師

兄重興 此寺 吾父晨夕偕 明崇禎間 變遷儒墨異遠地絕往來

令子收遺文丁寧煩索催擬當來結夏細討重徘徊

秧馬歌

東坡過廬陵所歌秧馬見于武昌者也廬陵以藁束秧
 卽名秧馬至青原見村村壠畔半空飛擲因次東坡韻
 布穀泣雨聲酸淒綠鍼刺木簇簇齊鋤耨紛紛調水泥家
 家有事播田畦殺鵝漉酒或黃雞束秧成馬默不嘶體沾
 脚赤手挈提山田足雨滿高低立馬塍頭如土圭行空跳
 擲無翼蹄戢戢翩翩過鳧鷖密布疎排任手齋整整鱗次
 如棖題年來奔走遍東西兼值處處驚鼓輦採樵無山釣
 無溪鷓鴣有願無枝栖寒飢不免家號啼徒使面目添黑
 黧秋成倘可望登躋婦子飽食安蓬閨終身托業在耕犁
 不羨瑯鞍跨馱馱

青原山觀李忠定公詩次韻

巒岫拱層層四山如一環中有古名刹隔絕塵囂煩自來
 賢達流往往愛躋攀咏題如列林內有最高騫在昔顏魯
 公二字篆祖關并彼黃山與文文碑額至今傳山川幾失
 態三物餘決瀾獨有忠定詩竟爲劫火然時當紹興初經
 此來游觀自云戎馬際偷此半日間長歌遺禪師法蔭堂
 是安平園爲之跋乃在嘉泰間辛酉曾宏父刻石明年保
 祐元何時忽淪沒意當值戈鋌遂使考古輩悵悒不成歡
 豈知神物靈終不屬飄零非如過耳音黃鳥聽綿蠻武定
 送祖山歲恰同平園亦是不可謂偶爾讀罷開心顏
 至東山次歐陽韻

疎黃點點菜花稀郊外秧風滿袖携宿霧山腰猶著絮新
塍屐齒不沾泥倭坡當日危神運塔名昨雨今朝壯習溪往
蹟老僧談歷歷舉頭不管黑雲齊天又欲雨

南塔寺次東坡韻

翠浪分畦稻葉新昨來微雨洗游塵鳴金顛蕩迎神轎土人

以獨木界神轎故使顛蕩爭道喧囂競渡人紛紛昇小木船于陸地上亦名競渡塔自赤

烏開國日詩當坡老謫還春清都觀名隔岸同時事難向杭

州合作鄰註蘇詩者誤為杭州

還過鄱陽湖次黃山谷韻

來時不識鄱湖面今見排山浪勢殷天際望穿浮岸樹日
西驚死礮車雲洶河蕩漾游帆影嬾婦颺搖拜夕曛月吐

三更尋港入令公壇上有波紋來時水涸侵晨臥未起即過湖面

感遇詩乙亥共一百首先遺獻定存五十二首

讀書海昌時朱子人遠曾共約作感遇詩百首余答曰

陳子昂之感遇止於十九若滿二十則不能強湊其胸

之所無安得先定題數乎既而人遠詩成屬余為序又

蹉跎未應乙亥元夕積雪彌望僻里窮愁諸感橫集依

體作之適得百咏猶覺胸中耿耿尚未盡吐屈指前盟

寒暑已二十易即人遠之逝世且三年矣稿就自諷恐

碓礪驚人安得起良友而評隲之

入春將一月雨雪無休息日日望晴光豈知勢轉劇烈風

西北號鹽絮漫空擲萬山列素屏平地堆逾尺村村烟火

希路絕行人跡孤坐想身世百感橫胸臆

吾祖忠端公岨興此窮里矢志在澄清適逢國運否城社
狐鼠憑豸冠觸殿彤熱血洗乾坤丹心照青史千古仰忠
魂姚江箭山址子孫思繩武原不關青紫

九旬我病父共指靈光殿闕下勘讎胸鈎黨姓名變改革
抱遺經空山獨著撰學者祖河汾 天子徵遺獻終甘薇
蕨根老餓首陽巘庶不愧家風足稱繼述善

哀哀我母氏淺土二十年飢餼供復壁七首備狼烟王父
書傳獄早知母孝賢雛羽難成翮支吾心力殫生旣劬勞
甚死猶窻窻艱空山滿積雪陌紙待晴天

兄弟共三人而我行居季伯也詩清苦奈身以疾廢仲數
戰文場兩售卒不利共苦飢與寒團圓猶足慰何意一年
中仲先伯亦逝隻身侍病親無情亦垂涕

生剛逢喪亂播徙無定居因之幼失學兼又質庸愚拚托
長鑿命永與農樵俱但思身不易未甘棄父書一日九廻
腸中夜心目瞿荒雞補晨聲此志實區區

諸儒繁學術戢山集其成吾父旣親證辦香烟篆青奈無
得解人紛作蒼蠅聲夢奠微言絕杞宋不足徵明儒學案
出宗旨皎然明摧陷廓清功端賴吾家庭

大道本無涯寧容儉腹扣仲尼焉不學萍實商羊究殘書
十萬卷吾父精神湊寒藉以當衣飢藉以當糗屈指九旬
來幾日離昏晝公論博洽人薄海寧見又

黃氏續錄 卷四
學道不能久不可以爲道未有古大儒孤陋無文藻史官
徵故實碑版傳幽渺奸諛與爲誅潛德與爲表必於我竹
浦舟車來求討南雷文普被齊統與魯縞

儒通天地人原非同等閒胡彼瑣瑣者止索餽飭間曆法
自古來止於一術傳明初回回出其後新法宜此事大奇
特孰能咸貫穿三曆定假如吾父算鏗然

家學富淵源吾生一何幸此如舉九鼎事事重難竟力赴
尚云遲豈暇循他徑蟻臭慕羊羶一餅羣兒競又將舉子
業濁渭雜清涇晨夕費喃喃舍雅而習鄭

親老家貧甚千秋敢迂語習此功令文違心首強俯先輩
及大家一一窮步武越人本不冠笑我戴章甫方圓乖鑿
枘自應見齟齬南北赴棘闈難邀一夫與

早知窮達命悔失十年書蝸牛向高壁力竭涎將枯若必
俟河清又知幾居諸雀肉未可期枉接明月珠吾自有吾
好而乃妄馳驅知非四十九終當賦遂初

昔人同學畫已忽學爲塑彼画不可敵自應覓別路同學
多不賤車馬天衢赴而吾仍故吾漸看頭點素猶趨咕嗶
途自覺形顏汗殘書經史存誓將伴老蠹

緬彼仕宦途原爲生民亟今者作斯言如河漢無極大小
仰成例安從轉一策或者思救貧貧亦救未得科第名雖
存邈不侔往昔何甚識臃臃見彈猶思炙

我昔居空山環堵一畝宮烟火人家絕四圍惟萬峰伴眠

響瀑韻哦句和松風原拚辭世路甘守木石終何期歲逢
辛出謔妒祝融因之事願違強走紅塵中

同浴譏裸程詩禮用發塚自詡越恒流愚者腹亦捧薰蕕
器自別緇素色自迥橘柚生南方過淮則變種吾願守吾
雌不敢隨世踵不淄與不磷萬古只一孔

麝食柏而香蝨處頭而黑雖其習則然亦其性之適惟人
性則同全由習所即向高高于天向下下于澤聖狂曷分
途在念罔與克是操誠在我非倩他人得

世故如江河日下何所底昔者已云非今更非昔比家室
大小空剝膚及骨髓綱維滌地盡不復知廉恥舉目足驚
疑總由人心死吾既悲身事又為世憂杞

寰宇合內外注精惟白金天生止一物難給此林林強者
攫而得智者巧而尋盡歸有力去餘地皆枯涔四海盡苦
窮無病日呻吟胡使昇平景白晝成慘陰

逼仄復逼仄高厚何跼踖給水量魚身築堤候履跡謂魚
足噉喙何用水踰溢謂足可後先何用地留隙一切細已
甚勿堪至今極遂使舉世心共化成慘刻

王者民皞皞霸者民驩娛未聞民蹙蹙猶云是黃虞請觀
今日民何地非涸魚租吏如健狗債家如豪豬即值豐稔
歲不能保其軀誰秉夫國成而不思良圖

世途本坦坦人心本和易一經利所關黑浪起平地子亦
不顧父兄亦不顧弟同室操戈矛知交成毒厲皆因上所

好草偃無同異不仁身發財夫何必曰利

天澤有定位冠履有定分銅臭決堤防流品賤良紊團瓦垂青紫輿臺乘駟駿人人思冶躍捷足逞雄俊卽或有名流假途臂亦奮舉世飲狂泉總歸不可問

不論泰否運士林有清議黑白自皎然人心存畏忌何期在今日此風竟掃地各矜小有才罔顧名與義機械蓄萬端險詐爲神秘稍存世道心能不發長喟

從來曖昧事難免人不爲自顧究慝縮惟恐人或知未有廣衆中恬不以自奇此雖人無良實由風俗漓舉世爭好尚滔滔惟所之廉恥爲何物心遂無是非

吾寧遇貪官不願遇清吏斯言非過激請試陳一二海稅初設官定額在首事自食出私錢悉獻爲成例引繩已欲絕後難朽腹繼累加如積薪斯民永受厲

鹽政疲已極而乃獻羨餘九重信爲然下土尚敷腴課額增復增纍疊七丸如馬力已竭矣執鞭責馳驅自謂忠乃國不顧民受癯一時媚至尊無限累窮愚

在昔百乘家惟恐聚斂臣况富有天下何賴此微塵昔之有清吏乃在于愛人今之有清吏乃至于是害民凡事不近情遂判假與真所以孟獻子寧有盜臣云

吾歎浙東貧尤嘆浙西富浙東貧雖甚兒女尚相顧賣妻鬻子輩千家偶一睹浙西數大家金帛如壑赴其餘閭閻民朝夕多無渡妻子錢數緡分手遵大路

授經浙西日曾作悲婦謠浙東小民家婦女尚養嬌饁餉
始出門炊織云作勞未有浙西婦漁鹽及農樵一皆婦女
職形慘過猿猴觀風視固然維予音噍噍

役及于婦人已爲暴秦政胡視浙西婦恬不以爲病吾止
就鹽婦說與民上聽兒女擔頭啼日烈霜風勁負重餘百
里昏雨路泥濘飢苦向誰號仁者須垂鏡

昔夏父弗忌四犯夫不祥旣葬焚烟徹展禽必其殃骸骨
成灰燼原爲至慘傷悲哉三吳民火葬成土風親死付一
炬委之于溝坑皆因賦役重何地可安藏

稂莠不種生荆棘不植出天生有租民芟除當亟亟一自
亂離來在處饒民賊大者受官賞小者優金帛俾彼勢益
張不異虎而翼鄉里爭羨嘆效之恐不力

生女須嫁城莫嫁山與鄉東鄰娶一婦前夫被虎傷西鄰
娶一婦云是虎亡孀又傳虎入室晝銜窈窕娘脫衣向虎
拜乃始就爲糧聞之真慘絕難以問彼蒼

史傳虎渡河誇爲仁政應愚謂虎渡河彼此皆民命土地
有患害殲除乃爲正彼民復何辜壑鄰以爲慶仁者痾瘵
心遐邇皆已病此意久不講千載亂覲聽

鷙獸力雖猛豈比人機智阱罟可暗施金火足利器重賞
勇夫出殲之亦易易屈指數年來被噬以千計山寨亂數
番殺人無此厲奈不關官箴當路罔聽視

明史論人物吾姚天下冠列傳四十餘廬陵止可半至于

科與第繩繩益無算何意屆今日一衰至無畔縉紳賓賢館府史胥徒擯哀哉文獻邦有如陵谷換

莫謂吾縉紳可無學堂氣曹劇昔有言難免食肉鄙吾鄉若某某偶然得科第胥吏稱知交牙僧結齊契口說惟金錢恬不以爲異壞我後進風傳染如蠱癘

洛學有程子吾父敢與列文靖尚云然何況彼凡劣吾郡縣學官陽明神位設嘆彼蚩蚩者胡不自忖絜昔者雜封君今至伍伯巖傳笑于四方孰不冠纓絕

在昔有循吏民爲建生祠德澤浹于人用以慰所思後爲諂媚具紛紛遂蔓滋朝官棟輪煥暮罷民耕犁羣然今一變書院顏其楣爰居祀鍾鼓斯義奚取斯

凡事皆有難獨至講學易毛舉四子詩略解之乎義其名甚崇隆一切可卑鄙文藝謂雕蟲讀書謂喪志不論九品人朱陸議同異寸木置岑樓海宇成風氣

卽乏斯文甚端無到應酬祝誄稱揚作歌哭非自由干唇一浮響曾不及併優我亦曾爲此舉筆真自羞何意乞墦人不自辨薰蕕自命驕牛耳哆口說韓歐

不讀唐後書斯言久土糞乃有妄庸子猶詡爲創論將爲人盡盲莫識其底蘊吾聞媿媿言掩耳欲趨避此而與之辨其間不能寸足見人類繁擾攘不可問

今人選時文多于讀文者薨薨如飛蟲擾擾如野馬數見真不鮮耳目人厭惹欲謀利三倍端須金躍冶批尾縱譏

彈庶以酬坊賈吾甚憐其心何必衣以赭

曾登觀象臺儀象絕千古

康熙癸丑年西人南懷仁所造儀象六事前三事中渾天儀左

赤道儀右黃道儀黃道儀後為地平儀右後為象限儀左為紀限儀用銅所鑄巨麗精工不可殫述臺下存

元物瞠乎不足數

郭守敬所製渾儀正方案等較之南制遠不可比

西人精制器

巧思傳積祖我從徧借觀種種詫肺腑獨恨制火炮用漆

便輕舉

所製大火炮內用薄銅為質外髹以漆截作三段可使馬上每人各挾一段臨用有機聯合之百發

百中此懷仁新創又見大線鎗亦用漆為之重惟恐不傷

人彼哉亦何苦

養人噐絕盡殺人噐愈精五兵造出尤萬古毒生靈孤矢

威更遠繼又弩礮興逮夫火噐出大者崩山城所嫌重難

致猶冀有漏生今復創斯炮流害何時屏

呦呦鹿鳴詩一時偶托興後取歌賓燕芹鹿薦先聖祖宗

掛獵籍世世供簿正春丁買生鹿賣妻以相應秋丁買無

錢血肉追比勁追恨昔詩人流毒無究竟

兩番至皇都俱為明史役相國徐崑山乃為謀野獲老父

不可招繆將小子續館我于京邸不啻三薰沐歸復使携

書在家纂編牘哀哉哲人萎臨風輒痛腹

我年逾二十未嘗學時藝甬東二陳子關切聯肺腑葵獻

招于家朝夕親勉勵介眉善誘掖評文斟酌細一視花磚

影旋歸終于瘞

介一坎珂長安旅櫬回蕭寺

葵每聽舊雨

聲潛焉輒隨淚

海昌多好友世交惟敬之禱如大布衣傲兀自矜奇同門

兩父故

陳乾初先生與大人同師叢山

忘年結心知極口學箕稿家學共

相期對飲必盡醉狂言傾腹筭不俟屋梁月顏色照時時人遠廣交遊詩文尚麗偶一自見吾父盡變昔所有討論各大家虛懷下及走信宿道游堂每見惜分手約拈感遇詩各限一百首遲遲今始成安得起良友

正惑詩

二十首

先遺獻選存十二首

余今年五十有四矣自出都門以來既息意科舉專事家庭之學見古今成說有惑于余心者不敢隨聲附和聊作短言以就正吾 大人名正惑詩

學問須自得讀書須問心必使居之安乃爲資之深窓蜂叫故紙磨犢步前塵干聲一格響萬跡一環循放眼觀天地息意探古今成說有未可不敢隨衆音日月麗乎天乃能得久照若果皆左旋浮游無定道日日換軌陸寒暑何憑料成象盡偏趨大地亦翻倒一切都非是乾坤何由造治曆有前言未可任臆鑿

冬至一陽生夏至一陰生實有可據指非空言無徵太陽南下極長至漸而升是爲一陽復地氣因上騰北極降生陰陰陽由此名玄酒雞號語吾疑等說鈴

越得歲而伐吳其爲沼乎自此分野說據以爲定謨大圜如轉輪頃刻無停居何從指某星專屬此一隅况又卽所分南北疎數殊如此談天象益我胸中愚

五行論生剋本屬形家言中如水剋火誰不見其然若夫

水生木其說已屬偏木乃土所生豈水所得專至于金生水益覺難解詮凡事無實證皆非吾所安

支于配五行已是強分屬非爲子卽水非爲甲卽木如何至納音又將五行瀆于義無所取于類無所觸太歲注曆首羣然守一躅小道不足觀致遠滋吾惑

孟子道性善亦就人而論非謂蛇與蝎遂與麟鳳倫本草一部書藥性細區分我謂此言性反爲得性根人無有不善此說非混崙猫兒有佛性終屬異端言

上古無文字如瘖不能話立象以盡意于是畫八卦祖之文字生轉展益變化欲言可盡言發揮無礙聖柰何故捫舌擬易自奇詫太元洞極儔吾疑皆秕稂

天地正長久生民無底止莫謂聖人後遂無聖人起孔來三千年直如旦莫耳我謂古傳人行將刪無幾是非大賢豪難保名不毀柰何瑣瑣儒少得輒自喜

紛紛著作林漫誇著述富有明三百年出書何限數明眼爲靜觀可傳有幾部醬瓿與劫灰過眼煙雲去若使果盡傳大地應難貯

積善有餘慶自古天道然未聞恃枯骨鬼蔭望黃泉多見葬親骸各執意見偏操戈同氣內不得歸墓田亦多古舊墳遷掘頭足顛地理之說與天理盡滅焉

曾見燒銀書服之可久視心腹自洞然直臻無上理金可使人生金可使人死得之貴如龍失之賤如豕特無與身

心不爲君子齒笑殺彼云云其權益無比

次鄭寒村半生亭韻 庚辰

追數紛紛還往輩先生莫道不
安全幾看彈雀將珠擲儘
見求魚向木緣南徼迴車花
滿逕北堂戲綵日長天放言
更有貧交友頻到茲亭話昔
年

多君念舊情何重濟我饑寒
得瓦全禿筆管中開事業亂
書堆裏結因緣疎狂嗜酒劉
淮海久病耽詩白樂天 樂天亦患

半身不遂亭外烟雲憑變幻兩
雙碧眼看年年

六十自壽

壬午十月二十六日

我生自幼逢離亂家室飄流似
轉蓬匿影南山隣虎窟避
讐北海傍蛟宮倉皇老稚逃
兵燹閱歷歲時觸鞠凶奚暇

詩書親外傳未嘗誦讀過成
童長來自負不卑小看去人

稱亦傑雄牛角掛書嗤李密
雞聲拂枕蹴劉公挽強渴飲

雲雕血賈勇深尋霧豹蹤困
我饑寒研帖括供親菽水勉

樵農晝耕夜讀拚全力北往
南來盡鞠躬塲屋究成啖畫

餅高堂俱往聽楊風願違負
米悲何挽路錯求名恨莫窮

枉擲年華隨水逝徒拋簡冊
置塵封決哉滌慮從吾好永


矣甘心謝世榮况有談彪書
未就敢推遷固事難從奈存

隻影憐同父難却諸孤仰阿
儂素乏田園傳祖業但資經

史代人傭雪晨照眼饑無火
暑夜嚼膚飽有蟲考索苦時

滋味出覃思竭處鬼神通頭
顱白盡青燈裏心血紅輸黃

卷中已分一生陪老蠹還期
廿載作乾螢庶幾粗了先人



原件短缺

1-13

命豈敢輕言後學宗今日辰方逢誕降前時說且付涇濛
老妻抱甕開陳釀諸媳割鶉切嫩葱一女兩男皆孝敬三
兒九歲更玲瓏解吟識量行新令數字歌詩壽老翁單句
七言須七盞大甌雙料算雙鍾一杯一字餘三百飲盡不
禁眼眊矇

續錄葉供奉訥菴徐相國立齋孫中秘書靜紫黃太史俞
邵四先生贈遺獻公詩

四明董在中過訪詢知爲黃太冲先生及門於其南
行賦此奉送并寄先生

丁巳

葉方藹

會稽有大儒世系出忠門黃童名無雙白首晦丘園六經
探奧窈百氏窮淵源躬蹈丘與軻不肯託空言青衿數十
徒講誦徹朝昏曾經其指授規矩秩秩存我聆聲譽久仰
止情彌敦一官苦束縛負笈失討論董子家東海獻賦來
帝闈視我頌一篇浩浩三峽奔所言雖甚夥仁義實本根
進止更可觀笑語藹春溫都雅周容刃貴重魯與璠驚問
所師誰答言是黃君聞之增愾歎寸心暗自捫譬如觀河

者溯源必崑崙便欲裁尺書因風附南雲綿邈沂太始滓
溟究無垠陰陽所統攝方冊所羅陳聖狂何縣濶王霸何
剖分一一質蒙昧了了破紛紜書成再三讀羞澁還手焚
寸莛撞黃鐘如何不逡巡徒詢容貌異那得馨歎真在昔
文中子道學倡河汾韜迹隱弗仕著述擬丘墳高第房魏
流佐唐爲名臣吾學苟措施奚必在其身先生富門徒半
作王國賓斯道已有傳何用嗟沉淪興朝亟求賢側席心
殷殷蚤知柴荆外旦夕來玄纁北面修盛典憲乞禮數勤
予亦得挾冊函文時相親勿着羊裘去蒼茫烟水濱

遺獻公次韻

三百五十字投來自修門意欲規感興麗不數文園誰嗣

場屋眼而滌濂洛源讀之再三歎洗濯出佳言吾聞玉峯

麓莊渠割曉昏此心爲主宰屹如砥柱存瓣香展餘千千

年歸玉墩干城意自遠碎鉢何足論曹溪鉢爲莊渠所碎一傳爲震

川月脇開九闍文章以載道不與江河奔太史金閨彥學

不離天根天根莊渠講學宗旨源深流自長仁體春風溫何意壘洗

中有此瑟若璠念子處幽篁何得御李君風期託想像求

日而燭捫忽然惠斯詞繭絲析鶻崙茫然數難端口吃類

子雲隱公已未來治亂留其垠何條可設施慷慨未敢陳

平生汎學海星野苦難分崇王及賤霸衆說徒紛紛非無

豪傑士不救溺與焚始信本領濶寰宇方週巡不然朱墨

行爲儒恐未真所以介子推抱桂枯於汾憫子幼失學患

難屢破墳幽情發古思面目誠主臣姑置四海大未能康
一身密爾文自娛無以答戲賓牧豕海上老所嗟非隱淪
斯民方憔悴何以返夏殷聖學將墜地何以辨朱纁其責
在公等學優而仕勤危舉天下溺豈徒門人親勿令吾鄉
校竊議東海濱

主一在京邸相助明史之役戊辰冬仲歸覲 梨洲

先生三詩述懷呈教 巳巳

徐元文

生平仰儒宗獨推江夏氏英聲起前代顧及時共擬凜凜
忠端公勁節著青史轉瞬六十年陵谷互變徙奸鬼有餘
愧忠名長不毀時議收孔融羣情惜元禮巢覆卵幸完揲
爻得艮止遂守不字貞寄情在山水詎就烟霧癖高蹈良
有以寂寞商山芝笑彼夏與綺

戴山制頽波執經徧宇內自謂我得子終日勤問對辨論
及豪苾著書薄組纈寥寥幾百載茲理幸無晦梁木與時
萎典型故尚在漸江赴東流爭趨事槃敦聲華詎足言所
重道義配不見伊洛門率多游楊輩几杖饒古風名言當
委佩山川阻良覲誰與傳清誨

恭承 帝嘉命史局領校讐茫茫三百年軼迹委山丘顛
倒是與非賢奸共枕幽誰爲識漢事班蔡君其儔舉之寄
咨稟相期共千秋雅尚不可奪安能事王侯拜上所著書
國恩還見誦述作有精意秘同金石抽瞻念豈終極驥子
宰相投助我明史役爛爛發英眸恢達與俗遠湛深爲道

黃氏續錄 卷四
謀審知足健飯精廬良日悠天心佑耆碩俾之研聖猷相
送絲衣去請爲致綢繆綢繆竟何言纁帛終來求

遺獻公次韻

束髮膺家難投門變姓氏奄兒乘橫流磨牙森相擬繞樹
苦無枝何暇問經史點將與蝗蝻毒矢機遷徙人生亦幾
何遭此瓦塤毀寂莫梗皇途倡狂乖世禮負籠拾青櫛樵
夫同進止夜半啼霜猿門前掛白水烟雨終沉逸始願豈
所以茫茫海島間誰與奏綠綺

千載濂溪學吾師冥外內當日侍函丈不過克應對視余
真猶子朽木施雕績從游堂室人委骨風雨晦有若似孔
子環顧無一在遺書揭斗柄六家捧玉敦玉峯任斯文行
議廟庭配考信見知者下及樊須輩不能繪虛空章玉胤
雜佩童子曾執燭豈聞枕膝誨

昔也宋金華文章莫與讎後此三百年玉峰爲介丘元明
二代史屬之以闡幽推琴起講堂束帛多英儔直不讓南
董於以贊春秋夫子昭獨智取士張三侯雖章句細微而
無言不訓賤子芻蕘資泥塗未能抽驟長丹青價朝章忽
下投誇諧沿里落譏刺入明眸史官分宰相其權不相謀
平生志濃寵得此亦悠悠醜老難屏蔽蟒畧歛遠猷史談
滯周南執手清淚繆古今有同心孤負此旁求

主一弟歸覲里言五章呈梨洲叔父 姪虞稷

越水斯文在姚江道統歸詩書秦屋壁縫掖魯儒衣一代

存遺老千方仰德輝手中丹漆器有夢每依依

白牛溪上叟一鐸振汾亭執卷夜然覈譚經朝負苓人間

豹林谷天上少微星不逐徵書出鴻飛羽自冥

常作陪京客來登千頃堂白頭懷故舊遺跡感滄桑蹈海

心猶在支天夢豈忘西臺敲竹石曾否下巫陽

野史亭邊話三朝舊恨多藏山聞有述授簡許誰過黨錮

埋金鏡風塵散玉珂愚生慚珥筆敢負鬼神訶

閱世雖多故歸然魯殿尊有書傳弟子遺研付兒孫經術

家參政文章戴表元應同河上老更註五千言

遺獻公次族姪俞邵太史韻

當日何喬遠南都社事歸登高壓險韻臨水試春衣璜稷

韓如璜字姬命梁稷字非馨皆嶺南人徵文集黃林黃居中字明立林古濯

鳳輝卽今周甲子竟夢尚相依何字匪峩時為司空南都詞人號為極盛余與明立

先生無不與會姬命非馨同選皇明文徵姬命又別選文茲

七夕新秋合拈題韓子亭韓上桂才多諾鳳尾調不選豬

苓點點梧桐雨家家織女星詩成月已落猶自玩清冥時

詩數字未穩先生與林若撫林茂之改定

七十當家慶管絃集講堂鶯來門外柳雞上屋邊桑詞客

誇行卷先生論坐忘恍然此會在今已到山陽七十時演劇賀客滿

堂余獨與先生同席

秣林焦氏外千頃聚書多石戶棲千秘宗人許再過從來

耽怪牒豈以易鳴珂聞說今加富應知有鬼訶

黃氏續錄 卷四
令子傳家學頻將月窟捫聲名東土謝經術泰山孫 御
製編明史私門著太元却因君話舊二百有餘言

主一世兄歸覲呈 梨洲先生 孫 沚

生平心折誰二三忠烈後各能慎箕裘努力圖不朽江邨

久消沉密觀獨株守 鹿忠節公孫 四壁長依人一襟不蔽肘嘉

善獨賢裔弟相師友 謂交讓兄弟 學博品益醇言動都不苟

忠介貽謀臧蕪齋終無負文孫推枚寧掩關發二酉諸君

愛吾深交比古人厚勉吾振家聲戒吾防世誘書來多藥

言覲面亦苦口忠端嗣更賢世仰如泰斗真傳自蕺山道

源細分割學案藏名山羣言皆培塿惜也經世儒抱膝老

窓脯孺子面未謀寃夢歸依久主一披塵來燕市偶握手

窮愁早著書筆墨咸瓊玖繩武才稱奇淪落復不偶慙勤

問高堂行年七十九燈前作細書花下醺醇酒碩果天長

留嗜學增眉壽我年近知非家學曾何有骨脆染時蹊自

顧形骸醜矩矱儼在茲執經許我否解組荷書篋會向姚

江走寒雪護柴荆洪鐘擬一扣請示紹衣方牀下連稽首

遺獻公次答孫靜紫中翰見贈韻 百家謹案中翰天中鍾元先生之孫

也

有明一代才東林殿其後熱血吐寒芒利刃齒腐朽蘭鋤

桂復薪冷汰長墨守子一取功名方如屈伸肘鯁妖毀王

度下與文謝友子佩驗參同高懷賤狗苟來拜忠端墓曾

將鏡具負膚公著野記邪正辨卯酉長生憐余弱稚葉培



原件短缺

20-32

風厚紛紛芳杜落斯人無善誘吾幸寫聲徽幽石皆衆口

同難誌銘因思獄急時奸威奪北斗容城數弓地重將渾

沌剖疋馬走塞外九折若坎摟范陽留紀事大火照卑牖

後世或讀之將無同久久久久書鄭况吾同難家豈敢忘

拜手壽母積感慨宗傳別玦玖癸丑鐘元先生以壽吾母

崎嶇自夏峯其意良非偶時文為理學講舍逢陽九戴山

寄薪傳太始留玄酒先生自署名九十有三壽潛庵言先

生家傳實富有千尋拔瑤榦足以駭羣醜忽枉青雲作不

知其可否獲牖發朱光薰沐及馬走淵聞譯舊學藻性出

新扣天下爭先覩九九太元首

續錄雪澤稿

黃世春

炳按朱雪藻曰世春字本正忠端公弟葆素季真先生之子不應世以博古為事其書法楷篆

草俱精

畫蓮

亭亭翠蓋護靈苗塘水湖風花葉搖野老獨憐清淨質拾

將形影上輕綃

娥江夜渡

堅臥難辭病流言已到家一舸隨驛使半夜走江涯急飯

荆裁箸鬆燈雨濺花此身寧耐此飄泊對誰嗟

窮生無免窟魔難似馱經鏡舶燈千碇官亭署一肩病腓

凌水族夢眼接江靈但渡無須苦書囊有藥零

大人錫詩步韻

好辭一闕沁園春此日歐陽復有隣冷眼迷離聊玩世短
歌稠疊遂忘貧縱愁角妬籥籬薄殊畏冰銷駟馬淪兒大
正期親不老星冠雲服避西秦

晚坐當桂

館客無它煩料理閒看金粟密如簾秋陽漸轉臺陰薄氣
序橫因月閨遲人泊門扃深瑣後香浮幔捲獨憑時躊躇
今夜風多少一任羅幃夢裏知

續錄正業堂詩草

黃時貞

炳記季先叔係梁衙派從遺獻
公游最密善琴號石窓山樵

山樓漫興

山高無障檻無扃百里帆檣見香冥隣寺曉鐘湖浪白市
橋春屐岸莎青雲歸遠浦鷗盟集花落空階鶴夢醒何事
晚來人喚渡竹枝詞唱出津亭

登犬蘭山

去地二百里繞身千萬山已非塵世界冀遇列仙班

韓采巖

賈島送韓湘詩欲憑將一札寄與沃洲人
沃洲與四明皆越州山以爲相或不誣也

瘴海昔曾遊復聞來越州過雲履孔石采藥到山頭五色
青櫺子千年老鞠侯知君向祠宇還訪古樊劉

東林山回山人歌

宋元豐中沈思號東老居此山下能造十八仙酒有青巾客來乞飲

自稱回山人與飲達旦剖榴皮題詩躡石橋去橋今存蘇東坡和詩三首東老思暮不已山人復來畫已像於壁而去後五年東老死以爲實度之也回山人卽呂仙二字今有回仙觀予客遊居此地

因作歌云

仙翁碧眼青紗巾自稱雲水回山人白日徑叩東老舍飲
酒達旦驚四隣主人乞授長生訣山人欵欵爲君說五年
之後期復來更擘榴皮寫詩別乘風徑躡石橋去烟水茫
茫向何處橋畔卽是三神山神仙叟叟來人間當時東坡
亦心喜空有和歌難追攀我登東林錦峯頂上有葛洪煉
丹井靈區幻跡不記春至今煜燁留光景東老祠堙但山
石回仙像存亦非昔古觀壇前道士家步虛聲高曉天碧

我聞仙人求學人比人求仙爲更真所以當年沈與呂一
朝邂逅情相親人患金丹不煉就何慮不得超兩塵

楊花

河邊漂泊莽誰依傍水沾沙力更微似雪不曾沿徑積無
風亦解滿天飛虛疑金谷樓頭墜旋逐瑤池月下歸多少
殘陽行客過空餘惆悵惹人衣

茫茫纔見點波痕暖日晴烘勢更繁欲止還飛來驛舍是
真如幻過空門筆尖剛寫遭粘放酒盞盈斟帶墮吞何事
香闥正愁寂眉稍輕拂悄驚覓

忽忽行東黃旦谷

忽忽歲云暮奄奄獨居客肅肅繁霜飛殷殷愁腸劇性褊

簡遊敖形衰疎典籍故人有黃庭所交在夙昔落落三十
載千里常咫尺厥初溯所生恭同陸終脈子從新安來錦
山是故宅遭亂徙菱溪相違廿里隔青州我遠宗明山東
南僻羈棲半清茗菰蘆寄曠迹感子鵲鴿義奚啻懷三益
行業慨聯翩庚年偕半百歎息遭逢非青春歛垂白蹉跎
凌雲步零落沒羽石親故知者稀笑語心不懌何恠悠悠
人相視槩棄擲朝食鳧鷺糧暮服駑駘軛未遇祥麟遊寧
甘腐鼠嚇人生天地間忽如駒過隙與君生兒晚幾時脩
且碩兒碩良有時吾生莽何釋昨陪東峯遊看君貌肥澤
又喜飲酒豪滿堂皆動鳧茅子近密邇復得慰朝夕皇甫
讀書淫伯時画馬癖我亦攜筇至一笑溪山碧期傾五湖
釀盡洗胸懷積

詠杜宇

當年望帝此精魂蜀客還如拜至尊怪爾數聲啼獨切不
應千載恨猶存人眠孤館娟娟月響落殘更遠遠村多少
興亾事埋沒夕陽春草更王孫

賦得睡燕

王家樓閣俯晴川故壘新泥年復年無意曉鶯爭百轉有
時人柳伴三眠風吹永巷烏衣寂花落空庭繡幙懸一自
飛軒人去杳幾回殘夢遶吳天

習習從知雛有成虛堂人靜杳無聲春風夢斷昭陽殿芳
草竟迷姚玉京書案幾年依隱客寶釵憶得是前生憑君

漫擬棹林雀別具雕梁一種情

續錄詩綜

黃百藥

字棄疾 遺獻公長子生崇禎元年六十七詩名留窮草

之三溪口省

祖母

三叔父

蕭然叔父攜猿鶴結構名園奉板車數畝寒潭涵几席九
峰春色映圖書竹窓詩句看鷗鳥芸閣經綸索蠹魚漫詠
小山成久隱故園松菊久荒蕪

大人游匡廬挈寒山魏子行感其任旅役之勞賦別

庚子八月

半肩行李覺淒涼千里征途從此長病拙違親隨杖屨
賢勞累子任風霜紅蘅碧杜循秋渚暮靄晨烟鎖故鄉芋
栗黃花殊不厭何緣蕭颯反參商

瑟瑟早寒生澤國布帆尚爾掛秋風憑君行李江湖重寄
我牋藤朝夕通千古書聲懷鹿洞五更鄉夢到鰲峰登臨
莫戀周朱跡堪畀周朱到剡中

八月二十三夜風月透窓轉輾不寐忽憶明日爲亾
室三週之忌枕中得句

萍梗音容何處離子規猶未喚春歸三秋一日秋如許殘
月千峰月自輝無緒情懷長落莫幾分寃夢也依稀峭寒
終夜難成寐正記君來君又違君是日來
又日是日死

人琴往矣到而今屈指三年秋復深月上蘆花寒浙浙雲
離舊峽影沉沉池荷已墮殘粧粉岩桂猶零半額金無賴
傷時如宋玉花翫柳鬼盡蕭森

桂殘月缺已三期桂月依然似舊時片葉敲窓眠復警新
寒到枕夜何遲銀河一葦偏生浪玉軫繁音倏斷絲若問
故人憔悴盡淚痕心血染成詩

秋雨歎

窮愁難遣夢竟間歲月云邁秋復闌悲哉秋氣何蕭瑟三
光大地盡慘顏頑雲釀作齋頭雨故向愁人洒潺潺朝窓
夜榻無休歇惻惻起我憂千端三年宿草憶妻兒忍饑受
凍傷生前爲余貧病苦相累強欲勿思淚已潛於今生策
日無聊一枝未卜鷦鷯安怯寒怕逢風颯颯那堪更值雨
漫漫砌下晚蛩發幽響助我哀吟添辛酸

贈二弟農師

炳記農師晦木
叔父長子也

黃氏續錄 卷四
雨打風號秋正深黃霧玄雲匝地陰松泉滿耳皆愁慘山
中氣象何蕭森吾今對景更神傷歲云晏兮百憂侵嗟哉
搖落已如許短衣現肘難捉襟無聊憶吾弟農師惟子可
以談吾心天池已絕翔鵬志斯世所宜惟山林山林志行
期芳潔寄跡惟恐不高深身既隱矣焉用文九歌六噫紛
嘶嗙吾讀農師吐哀帙不覺揮涕而難禁物不得其平則
鳴枯桐遭爨亦發音君才十倍過曹丕斯身豈當巖谷沉
不丁石鼓鳴山運廊廟得子逾南金何圖聊落至於斯窮
愁年歲同駸駸今子淹留湖上水藥囊冷落生蛙蟬我遭
妻兒死別離獨身抱病長呻吟生涯何日安農圃歸來同
子耕荒岑一琴一榻一牀書相伴閒花與幽禽山外滄桑
總不聞目視霄漢論古今

梅花

楚畹湘濱芳草盡清香歲晏吐氤氳幽憂山鬼依寒竹寥
落美人入暮雲愁眼攢眉初欲放瘦詞冷句共生芬雪霜
買買山中滿何事陽和獨到君

木正叔四十初度作

炳記木正叔名世春季真先生之子誠之弟屋之父也

屈指遭離亂二旬易星躔不聞墳典香徒覺鋒鏑羶吾值
先後際未離外傳年幾載播遷後遽爾疎聖賢圈豚牧豕
餘心未忘簡編每聽夜誦音酸楚猶哀鵬叔父友千古置
身魏晉先胸中有萬卷傾瀉如長川每懷負笈從晨夕親
幾筵所苦柴米債還如藤蔓纏憶昔總角時追隨相比肩

黃氏續錄 卷四
吾家方全盛誦讀繁歌絃迴首歎觚稜陵谷忽變遷賦性
既昏蒙又值茲迤邐遂令下愚質相越已天淵叔父本全
德晴空孤月懸雞鳴風雨交丰度不改前獨步軼塵埃春
容有餘妍苟欲呈抱負爲世推壇墀卽今弧矢旦車馬自
喧闐未必二老人更加菽水憐便使繞指柔化我百鍊堅
以之較得喪相隔豈淺淺妖也臭味同叔父不棄捐方將
開茆塞驥尾許執鞭稱觴及茲語叔父應輾然

萬季惠詩韻

庚子

汪洋廿一史真足寄長吟我限榆枋促君遷喬木深高華
承健筆鹵莽愧知音得傍琳琅側那愁歲序侵

讀棄疾世兄詩稿因書其後

萬斯同

十年棲一壑抱膝恣高吟筆墨消愁得溪山發興深人
方仇我輩天不絕知音攜向林邊讀清風幾度侵

對雪

梅花萬樹千峯雪亦可中間伴歲寒放著蒼蠅吟凍韻一
憑綠蟻破清閒松關隔斷塵蹤遠栗鼠窺過鹿哭殘冷落
殺人也使得眼前景物實難堪

穀雨前一日仝廉遠主一茶話

撲鼻新茶燕笋香青梅如豆也堪嘗不嫌世道蒙頭過無
礙春光颯眼忙滿架圖書尋上古幾分詩酒道家常生涯
滋味雖然淡兄弟怡如一草堂

一如族叔祖示驚林上人問答因步通字韻



原件短缺

41-44

已將世味付苓通閒踏江干自在翁流到四明千峽水飛
來三蜀一卷峰詩當會意波生月酒欲消痕帶有風我與
先生心印合蕭然物外有真工

又次一如族叔祖六絕韻

曉日飛簷弄水光夜來燈影耀紅黃原來燈日猶難辨且
莫模糊認法王

不嫌綺語與淫聲不怕蝸蟻與沸羹萬籟寂如人乍覺恍
然身已到虞廷

只將蓓蕾認芬芳何必羣然笑蝓蛄祁寒徹骨梅含蕊纔
有天然一段香

騰說都從默默生候蟲時鳥不休鳴情人欲說知心話直
到相逢沒半聲

風雨蕭森欲斷魂乾坤草昧失朝昏只緣我在高山頂亘
古曾無半點雲

故人與我一離分離合悲歡只夢魂烟水茫茫消息斷何
如孤月掩蓬門

秋晴野步

閒踏山涯與水湄魚情鳥性共忘機川涵秋景開清眼峰
掃寒雲放秀眉幾陣好風天有韻一竿落日步隨詩農言
樵語還真率爲說陰晴立片時

滿眼塵囂涉世難偶尋幽趣遣愁顏輕飄殘葉鴻毛度乍
破寒雲狸首班棕掌搖風聲啞啞荷裳滴雨韻珊珊付將

黃氏續錄 卷四
身世悲歌外日視烟霄縹渺間

哭母

吾 母容顏瘁兒猶背北堂夢覓見鶴髮慘澹映蟾光縱
有驚心痛終期遶膝長胡然歌陟屺嗚咽不成章

覲 親歸故里見 母話悽其 姑老傷兵革兒窮繫夢

思三孫添笑口隔水避危機 謂避地北鄉上四句皆母言 誰料尋常語

忽成永訣辭

愁鴟中夜嘯夢悸母呻吟錯愕愁無措愴惶病轉深途窮
挺險獸望絕失巢禽一旦千秋訣何能挽寸陰

母向何途去歸期何日迴兒無一日養 祖有八旬衰閭
闔真難叩巫陽不見來雲山徒渺渺無計伴泉臺

頻年茹苦蘖無計樹芳萱只道逢三秀何期到九原總帷
籠暗燭苦寢警哀鶻還擬非真境連宵惡夢覓

兒異尋常子獨依九載懷 幼時大病纏綿 再生徒醉夢百罪聚昏

霾殉死心猶怯終天恨不涯九疇言六極弱與惡同儕

又哭母四絕句

吾 母來當巢覆前妖狐鬼蜮焰熏天飛章鈞黨干戈變
啖葛茹荼到暮年

衰經九年哀毀餘家艱外患盡危途一經天地崩頽後長
養兒曹心血枯

每擬河清有可期康寧老景日舒遲迴頭 母子壘鹽味
便是都兪吁咈時

黃氏續錄 卷四
笑語無聞兒痛呼童孫繞案亦呱呱尋常薄粥兼青菜不
爲兒曹啜一盂

赴館辭靈柩

燭冷香微繞哭聲草牀塊枕守孤
靈村童幾箇非金革
重似均衡竟奪情

懷主一弟都中

鵬鶚風中寄羽翰 高堂日望錦衣還 親當上壽天然
樂事屬儒門分外難剪燭未深思睡穩微寒畧動慮衣單
每憐月出清光共又見陰霖鎖萬山

寒煖驚心愁病加北方九月已風沙鳳池雨暗琴絃澀雁
足雲深尺素遐頻歲賢勞傷櫛沐何時歡笑話桑麻一緘
勝似曹公檄積月頭風頓覺差

題小菴

小菴草草亦蕭然何藉經營闢象田夜話與分徂賦芋午
齋新折馬行鞭屋成因樹有巢氏僧學無參非想天莫道
難求乾淨地且隨一朵白雲眠

蕭寺雜言

齒頰蔬硬日聾盲秃筆巢蜂硯集蠅松露古根還化石柳
髡細杪盡生藤枯瓢偶掛僧如客病榻長眠客當僧釋藏
五千儒萬卷一齊看似掛枯罾

孳殺寒聲暗四陲倚聲而和不成詩千回蕩漾萍依水萬
竅鳴號葉脫枝顛髮過梳絲繞繞絮花壅體雪霏霏從今

更倩風捫舌已竄空林不立辭

鴉負斜陽慘暮烟白雲流水亦凄然苦蔬聊當薇中味病榻還同桑下眠葱嶺無頭且借徑剡山有路可終年新交示我竹篋子牛角途窮卽曙天

強顏僧畔話無生獵獵西風幾度驚住借禪寮無寸土夢迴猿淚落三聲蒲盧祝後看停管脉望仙成羨嗜經每每五投訊佛火楞楞烏陣起殘更

病客驚心歲序遷秋風慘淡夕陽天蓋簷瓦少通山氣補褐鍼多似水田半晚離經侵上下畢生嚼味昧中邊強將萬慮都拋却刈草鋪床枕石眠

暮秋

三春桃李一時捐禪板無聲夢杳然凄冷風來吹淡月孤清松自話寥天幽窓任叩蕭蕭竹遠岫看歸冉冉烟且與羚羊長掛角砧聲何處怨霜前

瞥眼韶光逐轉蓬忽投蕭寺愈龍鍾嚙蔬無潤澆衰血啜粥生漪照暗瞳往往應人疑看鳥區區索句乏雕虫松間鸛鶴梳孤影或者堪依末路窮

九月十九日古重陽也山齋菊放

重九籬花客不芳黃金艷折古重陽一時香夢醒殘籜十死餘生看紫囊鼯尾飛松搖月影魚腮觸石漾溪光雖無載酒花間侶却喜身登萬仞岡

齋在南黃萬山之頂

禽言

春去了春去了成功者去猶昏曉春香春色正芳菲侯蟲
時鳥爭妍好葭葦蕭蕭木葉殘斷鴈寒鳥亦枯稿刀筆蕭
曹氣勢豪東陵故侯門悄悄人世盛衰本不殊哀哀警世
付此鳥我本無春不須去胡爲聲向耳邊繞

哥哥住住哥哥住住側身四望淚如注美人贈我報無期
西日難揮翳烟霧哥哥住住哥哥住住山有移文邀子去
山家富貴無人享窮士昧天私厚處藥草餽糧猿鳥民一
丸泥塞奔波路不作引鳳聲不賦懷鶚句

李贊皇有
懷鶚賦

大鵬

彌天隅螭螟蚊睫寓世人莫笑班鳩拙幾根柴盡家緣務

鳩子和尙有班鳩偈云人道班鳩拙我
道班鳩巧一根兩根柴便是家緣了

婆婆餅焦婆婆餅焦糠餅供姑淚血飄典衣剪髮求珍錯

朝甘暮旨應和調荒歲姑食非人食愁恨化鳥鳧不招有
母生兒成廢疾有婦瘵死措蓬蒿慚愧曾無一日養聲聲
入耳使鳧消聲聲入耳使鳧消

泥滑滑泥滑滑雨失朝昏霧迷曉燕污青衿鷺染緇溝塍
莫辨萍生甲陽喬喞唼蚪蚪書歌蚓得朋恣散結却羨兒
童競跳梁而今杖藜寸步跌憶昔同友燭湖庭

葉公旦

丁丁

伐木鳥嚶嚶琅玕蒼翠刻顛米石鼎斷續和彌明清飈解
籜花扑面喜聽滑滑報新晴話到把茅投老計矢志鍵戶
窮遺經燕趙悲歌留鬼唱

公旦客死德州
德州趙地也

蓬蒿繭足凍蒼

蠅舉目茫茫視九州羊腸路黑折車輶家山咫尺青天似
徘徊行住兩無由老至泥深途更滑鳥聲催起滿天愁

行不動哥哥行不動哥哥南方遷客淚痕多但南不北但南不北又道向南毋向北我本穹壤廢疾人四方何處可投足托身南山山萬重北望家鄉如異域頑童幾箇日喃喃遷喬無策入幽谷春蠶無骨深藏蛹蝸牛束頭在微殼耳根未到腸先斷似代恨人窮途哭

苦苦晨夕漁澄聽禽語四明二百八十峰唯有斯山更悽楚東皇有意吝韶光勿令一縷漏此土惟有苦雲愁霧屯鳥發哀音亦言苦獨我連歲倚山氓却似同情向前訴每當日暮起悲風走沙折竹排門戶嘯颺哀猿不敢吟冶鳥山魃啗不吐忽爾幾聲動幽谷聲聲都帶愁于縷有時孤枕起挑燈淚血和煤磨夜雨久之反覺愛淒清四海知音

我與汝

炳錄不失弟戊寅補序伯兄棄疾留窮草伯兄棄疾名百藥幼患背疔遂以支離廢不習制舉文以訓蒙糊口饗殮嘗不給然博學強記暇則爲詩初詩作豪邁雄壯之聲旣悟非已本色轉爲酸淒激楚之音號留窮草嘗屬家叙之或問韓子送窮惡窮天下之通情也卽君子固窮窮則樂道亦云能忍耐其窮自樂其道耳非樂窮也何樂于窮乃矯而留之日子未知吾伯兄之意也夫天下之物孰是可留者哉宇宙大化瞬息不停窮達壽夭轉盼俱失窮不可留達亦不可留此齊景有牛山之涕叔子與峴首之悲也蓋凡屬有形之境未有不隨氣

化俱遷者。故至人默反乎萬物流轉之始。而獨持乎大定。不遷之宗。所以能亘古長留。有不逐冥冥而去者。顧援此以語吾伯兄。其論過高。此語姑止。第就伯兄而言。擾擾衆身。各自全其形。而伯兄以有身為大患。而形患支離。支離疏足以食十人。而伯兄不足以養其身。雖論有涯之生。總歸必逝之地。然及此當時之身世。彼肥腸滿腦者。鮮服華棖輿行鼎食。侈然於居氣養體之移。而伯也。鶉衣有結瓦甑無烟。呻吟於酸風敗壁之際。同此一生。卽云彼也。徒然而樂。而此也。乃亦徒然而苦。除却生前身後已。先輸此一局矣。惟存此酸淒激楚之音於人世。使人聽之。若秋暮之泣悲蛩。中夜之號怨鳥。入耳刺心。亦爲天地所不刪之物。則彼肥腸滿腦者。不能自鳴其樂。其樂亦不過如伯兄詩所云。螻蟻泥堆。驕凱捷。蜉蝣晷刻。潔衣裳而已。而伯也能自鳴其苦。其苦殆不與形骸同。盡蓋將使天下後世讀其詩者。惻惻悲憫。皆知有黃棄疾之窮。而其窮留矣。其窮留此。如有冤者之得白。庶不致徒苦一生。無所赴愬。此留窮草之本意也。迄今伯兄之逝世已五年。其在生之疾苦。成往事矣。檢是草而閱之。短檠焰澁。殘月光侵。鼠殘蠹啣之中。模糊殆見吾兄之容也。倘恍殆聞吾兄之聲也。有淚潛如。又未嘗不歎吾兄既受苦於在生。其亦已矣。乃復遺其苦於身後。耶。因憶前屬語。援頴濱序和陶詩例。爲補叙。

續錄稼軒詩稿

黃百穀

炳按朱雪藻曰百穀字農師立溪晦木先生之子也幼明敏能文不應世業鑿抄註素問難經

盈尺然性拓落不能為逢人之術鑿亦不行窮餓無以自存東遷西播嘗居西湖之濱吊古感傷發於吟咏卒以窮餓死所著有素問難經本草註蕙江緣返覓香詞曲稼軒詩稿俱零落散失

贈故鄉人口號

余之淪落武林也朋儕靡倚親舊莫憐彈鋏長歌
蹀躞都市有故鄉人胡姓者鬻技於杭有年矣適
遇諸途間留余厚款慙勤問答雖其家貧力薄不
能為子計然其意甚誠此出於望外者予斯行本
有望於親知卒落落無所合忽乃得胡氏胡非有
學人也不為世態寒暄若是柳子厚云市道交豈

可少哉又謂清能交人由此觀之千古交情俱不出於士大夫而歸諸市人不無可慨焉因詩以贈之

同作天涯淪落人故鄉爾汝倍堪親滄桑世事驚多變今古交情喜未湮食進王孫豈望報詩裁薛氏獨傷神生平非是無相識過半重逢不似君

窮途

孤館淹留落鬼身可堪碌碌混風塵敝衣原憲終非病彈鋏馮驩未是貧轉盼自憐真寂寞相逢誰解惜嶙峋只今世路多巖險巢燕空勞覓主人傲骨憑誰卜可親窮途猶是惜干人性緣恥事陶成嬾家

為無能贏得貧自分餘生終有遇不堪舉世竟無隣從來不解塵中味未敢揚波步俗塵

悼亾

去年此日賦言旋匆匆行李向江干停橈把酒從君別啼痕漫臉復流連為言此去江南道滿目干戈尚慎旃擬定

回期九月九懷音朝夕寄鳴絃時予寄蹟西冷復往吳門有却望并州是故鄉之意

我值殘秋滯故里予以大人有疾即自吳門買棹歸西園蕭條江左障戈鋌

時阻兵不得渡江君遷吳會隨返杭流離寄食備諸艱九月湖風

鳴蟋蟀雙兒遶膝日號寒夜半鷗啼霜滿屋別盡昏燈補

舊羶歸路迢遙阻絕域故園目斷摧心肝鱗潛羽宿歸期

杳抑鬱填胸吐莫宣我來自東歲云暮朔雪霏霏壓茅椽

把淚相聞別後事驚看病骨未加綿君已晨鐘初動傳三

鼓萬籟無聲月半天蕭索層冰連几榻起呵凍指綴黃錢

杭俗婦女以糊錫箔為業君亦為之中宵語罷增嗚咽衛逆營虛體似然牀

頭金盡空垂橐告貸無從具粥饘況有藥餌能治病君病

遂至終不痊此日新亭一坏土持杭兒先死缶韻長吞薤露篇

妖夢不留終夕恨君先歿一夕夢得梨四枚一以寄太夫人一寄家大人一與君之母一與予及

兩兒分食之因謂予曰梨者離也余殆將死矣是夕果卒竟兮挈子歸重泉零丁二稗

悲棲泊天涯孤客徒潛然吁嗟竭力營棺槨一棺費價纔

數緡漫言速朽心胡忍故園此日無遺阡死者無知長已

矣生者何食終天年嗚呼歌一闋兮淚潺湲夜雨霖鈴風

透屜

靈衣飄飄月伺廊數聲哀雁夜初長贏得寸心千萬感人

情歷歷轉迴腸憶惜相逢初嫁時鈿釵羅袂富篋箱君歸

一載家有毀西園寥落疊兵喪君以己丑九月來歸庚寅十月遭家難辛丑四月予

母去世食貧商徹艱難夜遷播流離苦備嘗三餐薄粥支長

夏鶉衣百結度嚴霜九載追隨費思忖君歿於戊戌七月未滿九年相

從頃刻幾滄桑月障妝臺塵滿榻還從掌夢招巫陽旅夢

不迷懷舊恨偏逢永詠辭琅琅吳歌聲斷西樓月覺後淋

漓影半牀抑情揮淚搜殘帙種種悲酸貯故囊慘澹墨痕

營破壁拋遺繡帖遍紗窓闌刪剩紙纖纖筆淡淡鋪紅淺

淺黃明滅孤燈籠總幃中宵四顧增徬徨嗚呼歌宛轉兮

悲且傷長兒流淚幼牽裳

次六一泉樓上女史張令畹壁上留題韻

憶惜已亥訓蒙湖上時以輞川之慟每登是樓輒
有所作如夜月離情阮氏路春風詩思仲宣樓之
句皆自鳴其失意也比年以來奔竄流離足跡不
閱斯樓者二十年矣今夏風波稍定爰來卜居復
登茲樓一拜先忠端位下見壁上留題有吳邨
女史張令畹筆因汎濫者久之遂步原韻作此二
十章蓋人琴之感雖事畢而情同非敢屬和陽春
效兒女子態也亦不過借題名意以自舒其懷抱
如感遇者然耳

老我風光二十年南樓重過一泫然上陽春色歸塵土洛
浦晴波蘸冷烟久拚青衫輸老淚可能綠綺變哀絃何當
再返瞿塘棹却語三生石上篇

燕子樓頭不記年江州何事亦悽然湘川波湧蛟人淚楚
岫烽生玉樹烟冷枕遺香銷蝶夢高山流水咽鴟絃苧蘿
若解王軒約爲寄閒情賦一篇

冷落湖山又幾年靈光猶喜獨巋然天連古渡迷芳草柳
去荒城散暮烟白雪漫勞歌絕唱廣陵何處問殘絃仲宣
雅有登樓句可許揮毫續舊篇

長鋏彈歌老少年凭臨此夕倍愴然離情深漲桃花水旅
思遙纏越樹烟只許江淹書恨賦莫教宋玉奏新絃如何
九辨皆秋興不放春愁入半篇

漫題錦瑟憶華年淚落殘鶻思惘然飛雪徒憐曾咏絮香
風未許送非烟歌傳金縷難為贈聽徹筵篔莫問絃可是
蓬萊山上客故將長恨寄瑤篇

甲子閒過四十年顛毛種種只依然吟殘客邸樓頭月夢
破歸舟江上烟何事伯休甘寄跡為憐鍾子未更絃東風
若許青蓮見斗酒應酬詩百篇

春光都道勝當年自我看來大不然三竺風深排馬鬣兩
峯雲暗接狼烟從教觴咏猶無緒況復登臨憶斷絃多為
湖山能引恨續成幽思賦新篇

悽楚湖山異昔年襟期無賴更潛然苔痕不襯凌波影藤
楮空留易水烟梅去孤山羞放鶴琴隨五柳嬾施絃尋春
追悔來何晚看遍新題壁上篇

傷心豈獨是今年自顧鬚眉實靦然詩興狂來思捉月風
情豪處薄凌烟峴山碑老空揮淚爨下桐焦久廢絃可笑
春秋如許大也書短韻和君篇

醉裏乾坤夢裏年老天生我似徒然不堪心事懷修禊只
託鶻聲弔禁烟南浦潮生思解珮西軒月冷操離絃少陵
詩句多蕭瑟閒寫傷春第幾篇

閒向孤山弔阿青漫尋遺跡過前汀微之腸斷鶯娘傳柳
子心傷馬淑銘總為情懷難着落更悲蘭菴易彫零人間
離別尋常事何獨參商數二星

寒鶻啼血曉山青潮信無緣隔野汀一滴楊枝祈並蒂半

杯梨酒酌殘銘披圖自覺憐形改幽恨邴堪伴雨零此日
園亭非舊主漫勞含怨望三星

翠薇亭下蘚痕青處士墳前月一汀徑路無媒閒自咏泉
臺有恨倩誰銘詩逢險韻吟難就話到傷心淚欲零舉世
但知情字重何人解哭少微星

蓮褪紅妝柳褪青蕭條風景變寒汀歌殘蘇小湖頭月讀
罷滕公墓底銘最是悶懷隨日長況兼秋雨帶愁零若還
天上無情恨何事偏生婺女星

誰寫新詩託小青故將坏土覆沙汀玉釵覓斷生前句石
槲聲吞死後銘往事經心愁脉脉殘杯貯淚影零零五更
噩夢千秋恨豈獨淒涼止四星

珮環歸處嶺楓青華表嵐深水拍汀快雪無門欸舊約慈
雲有愿負心銘寧拚化幻隨中鼠那肯煩冤事壅零可笑
平湖纔十里渾如天漢隔雙星

昭君冢上草青青不比孤山淺水汀壠墓競翻新式樣封
藏可是舊碑銘此身未北猶私幸幽恨難排只涕零曾似
岳陽樓下客斷魂千里帶殘星

野火原頭落日青雙扉寂寂鎖烟汀重泉料少求凰操此
夕徒尋瘞鶴銘無限離愁鴟幅裂幾經百草露珠零湖邊
夜夜凝眸望錯認燐光是落星

莫怪相逢眼倍青似憐孤鶴唳霜汀如君難買長門賦愧
我偏題陋室銘漫對閒愁歌宛轉且書心事歎飄零風塵

擾擾無知己誰識羊裘是客星

錢塘江上數峰青楓葉蘆花鴈宿汀慣聽紫簫吹別調誰
書黃絹問新銘夢殘梁月涵波影淚落檀槽似霰零莫向
西陵尋舊事恐教潘鬢易星星

附錄原韻

吳門女史張蕙

湖邊春色似當年芳草王孫事杳然牧馬嘶風寒夜月
流鶯啼雨入朝烟山川有意留環佩桃李無情逐管絃
今日登樓強舒笑須教王粲賦詩篇

重到孤山拜阿青荒榛茅棘一沙汀烟沉古墓霜寒骨
雪壓殘碑玉作銘幽恨不隨流水盡香魂時逐蓼花零
勸君再禮慈雲側莫墮輪迴作小星

西谿懷古三十首

西谿在寶石山之陽爲錢塘名勝之地其山川祠
宇多南宋遺跡當代耆儒碩士爭爲點綴焉其傍
爲河渚蓋宋時南莊舊址支流曲折小落斜村與
桑麻雞犬真斯世之桃源也予避兵其處芒鞋竹
杖賣藥鄉間經歷於山巔水涯詢諸故老猶有能
傳道其事者嗟乎余生不辰逢時多難乃以瘡痍
餓羸之身流離奔竄於茲土獨不能觀其盛時每
經一處輒復命題或可少見昔時之勝槩焉

每過荒陬一汎瀾誰將和議主偏安於今蔓草西風裏猶
是當時社稷壇

社稷壇

廢渚荒津半野橋行人指說教場橋六軍駐蹕歸何處禾黍離離又幾朝

教場橋

村雞號落滿蓬霜漁火燐燐出古塘欸乃聲翻關塞曲吳歌盡唱山坡羊

古塘

漫說憑臨吊祖龍東南王氣一時終行人莫上高巔望怕見吳山第一峰

秦亭山

剝水殘山舊主盟頽簷猶署報先名老僧不省人間恨閒撥爐烟禮藏經

報先寺

典亾千古恨偏賒東岳何當聽法華此日六陵難借問傷心豈獨後庭花

東岳廟

兵戈無計問桑麻漫說桃源便可家若使有山堪避世甘

心樵牧渾生涯

桃源嶺

是處兵戈莫問津只除此地遠凡塵憑君爲話南湖事髣髴滄桑幾度春

河渚

郵舍漁罾事事幽幾家小築傍橋頭何時洗耳清溪上來伴漁樵話舊游

木橋頭

千載雲山鎖薜薇鼎湖龍去幾時歸至今風景猶淒絕絡緯聲中間子規

龍歸塢

溪水平分十字痕餘生隨處是迷津道人曾學蒙莊語岐路相逢泪滿巾

十字港

夜半疎鐘隔塢聽聲聲悲似雨淋鈴春光不管無人到零落寒花鎖翠屏

花塢

雲封丹竈任高眠滿塢青芝別有天却怪商山真隱士無
端垂白去林泉

青芝塢

梅熟茶香筍露斑春游每數法華山消沉舊事傷心處只
有蹉跎自往還

法華山

二雪堂前月滿楹誰將詩酒問寒盟只今老幹凋殘盡枉
費騷人浪品評

永興寺二雪堂

虎踞龍蟠安在哉青山寂寂水滢洄相逢野老猶傳說此

地曾經鳳輦來

西溪

紆迴曲港護蒹葭洗鉢池頭簇浪花莫怪濠梁多辯論人
生應是不如它

放生池

平橋流水兩三家竹路陰陰取路斜依舊西溪今夜景一

天涼月溲梅花

梅花泉

徭役從軍點撥頻十家烟火九家湮望夫若化山頭石嶺
上應添無數人

石頭嶺

古寺雲深白晝寒斷崖荒磴草漫漫冷香遺蝶千年恨無
復鑿輿帶笑看

輦道

南望金焦第幾重登臨猶是吊遺蹤誰將楊子江心路縮
入長房輿地中

金焦二山

新嬾磯頭放釣艇女兒橋畔問樵青筆床茶竈經行處添
得溪山無限情

女兒橋

簡伯兄

棄疾

風波離亂共茅棚知己無如弟與兄少小詩書同受業幽

黃氏續金
卷四
憂險難尋隨行途窮互慰相思句多病尤深莫逆情却笑
今年歸剡曲也來此屋教諸生

悲歡出處費追思覆轍相尋同一揆故里聞君埋玉日他
鄉正我鼓盆時雖云兄弟多相似何必行蹤盡若斯商徹
窮途身世事不禁寥落轉成嗤

深紅淺紫遍山頭感人春風淚欲流非是鶻聲能引恨無
如心緒自招愁他鄉衣食堪誰寄故里鋒烟何處投爾我
相看斯世路行藏是此若爲謀

